

# *INZILA YA MUSINSIMI*

## *WAKASIMPE WA LEZA*

 Baa, Mwabuka kabotu, beenzuma. Ncifumo cibotu, a ciindi cibotu kuba kokuno. Ndili kkomene kuba muumi cifumo cino, a kuba okuno a mbunga alubo. Kuli zintu zinji loko zikonzya kucitika mu ciindi cisyoonto cili boobu. Elyo ta tuzi ciindi neo tuyu itwa, kuyo iingula, kutala ku Nkuta mpati. Elyo tu yanda kulibambila ku ciindi cili coonse, kutegwa tukonzye kuba a luumuno.

<sup>2</sup> Elyo Ndili lumbide loko, mbuli Mbwe kaamba. Mubwini, Nda kali okuno Munsono masiku, alimwi kali kukanana ku bantu... Nda kakambauka Munsono masiku, alimwi Ndi yanda kulumba Mukwesu Roberson, nyoonse nomwa katumina, kujatikizya kubotelwa Mulumbe oyo wa masiku Munsono, "Tu jisi zintu zyoonse." Elyo aboobo Nda... Ciindicimwi tii Nda kayeeya kuti Nda kali kuyo kanana, kaselemuka buyo a kulanga Mukwesu Neville. Kameneno kakwe—kwakwe kabee nkulila wa mungoma ya nzuki okuya. Nda kayeeya, "Mukwesu uutakweankwaya, ikuti na andi tumine ncobeni sunumasiku, Ndiyo gwasya, na kucita zintuzyonse Nze konzya." Nkaambo, Ndi lizi eco mbo cibede, cindi wa katala akwaanga jwi, nkabela uyo kambauka canguzu cifumo eco. Elyo aboobo Nda—Nda ka mu kananina masiku Munsono. Elyo aboobo tuli—tuli... Nda mulumba, kapati.

<sup>3</sup> Lino kuli nkumbizyo zinji, ba lati, zya mupailo. Elyo aboobo atu bayeeye buyo, lutaanzi, nkumbizyo ezi zyoonse. Atu kotamike mitwe yesu lino.

<sup>4</sup> Taata wesu Wakujulu, kuli lembedwe kuti tweede kunjila mu kuswaangana Kwako a kupa kulumba ku myoyo yesu, kuzibya nkumbizyo zyesu mu kuswaangana kwa Basalali. Elyo tuli jisi banji babo, cifumo cino, banji loko, abo mbe tuta konzyi kwiita kukupakamana Kwako, pele Uli bazi. Kuli banji abo bata kaambwa. Muli bazi, abalo. Aboobo, twa komba a myoyo yesu yoonse, mbuli mbo twa kacita masiku Munsono yainda ku Mucizi Shepherd, Mukwesu Shepherd, mwana. Okuya cindi mu i... Jokela, Muuya Uusalala wakati, "Ta jisi poliyo. Uyo oba kabotu." Ino nkukkutila nko tujisi cindi twa mvwa kuzwa kuli Nduwe.

<sup>5</sup> Lino tula lomba cifumo cino kuti Uyo pa nkumbizyo ezi ku malwazi, ku muunzi wakazwaa kusweekelwa muyandwa ku muunzi, alimwi koonse kwa kaambwa, Taata. Twa komba kuti Uyo yeeya umwi aumwi. Elyo Nda pa mupailo wangu, a mupailo

wa bantu aba, kumbele Lyako; bungana antoomwe, a kutuma kuli Nduwe, mu Zina lya Jesu Kristo. Kotu swiilila, Taata, twa komba. Ameni.

<sup>6</sup> Ndi yanda kulumba umwi aumwi wanu nyoonse ku mipailo yanu nkambo ka ndime. Kuciindi Ne... Nywebo mulizi Nda kajisi kubbotokelwa kuniini kunselelo lya cilundu kumusanza okuya. Elyo Saatani wakasola kundi jaya. Elyo—elyo, mubwini, ta kakonzya kucicita. Huh-um. Peepe. Leza takalina manizya a ndime pe. Aboobo ta konzyi buyo kucicita kusikila camana coonse. Cindi Leza amana, mpawo Ndili libambilide. Pele Nda... Mweenzuma muboto, Mukwesu Wood, kunselelo okuya, nduse lwa Leza buyo, na kajana buyo kuzwa *awa* anselelo, a kutali kuzwa *awa* atala. Kwakali kubbotoka kutandila ku mataani ali cisambomwe *oko* munsi lya busyu bwangu, mbuli *obo*. Tii kwaka ndicisa nokuceya. Mwabona? Kakwezya busyu bwangu atala aniiini. Aboobo, cuti, ee, zyoonse zyamana lino, kabeela komwe buyo kaniini kakasyaala *alya*.

<sup>7</sup> Aboobo, Ndi yanda kulumba Mukwesu a Mucizi Dauch okuno. Mukwesu Brown, a balo, abo bakamvwisya ku mubandi wa telefooni cuti bakabungana antoomwe, nkamu ya bantu, a kundi kombela. Elyo eco ncintucimwi buyo, kucita cintucimwi kuli nduwe. Nywebo mulizi, kombela bamwi, a zintuzyonse, elyo mpawo cindi wa jana cuti muntuumwi ula kukombela cindi wa ciyanda, eco caamba coonse. Elyo Ndi lizi bunji bwamu teemwa kaita mukati, na kufumbwa cintu, pele mwacita buyo mbubonya. Elyo caamba coonse kuli ndiswe. Elyo nke kaambo Nce... tii caka ndinyonganya. Leza waka ndilekela kuba kabotu. Elyo aboobo Ndili lumbide kapati.

<sup>8</sup> Lino, Ndi jisi kwaambilizya kumwi katutana buyo kutuula balombwana aba baniini. Lino, sunumasiku, kuli kuswaangana ku cikombelo. Elyo nyoonse nomu boola okuno ku cikombelo, amuboole nkoonya ku kuswaangana okuno. Elyo aboobo tuli... Ndiyo kanana Mukwesu Ruddell, sunumasiku, kutala okuno ku mugwagwamupati, umwi wa bakwesu besu bakuswaya. Elyo mpawo, Mbweyo jokela buyo, ikuti na Ndi jisi busiku bumbi, Ndi yanda kuunka ku Mukwesu Junie Jackson. Mpawo mukwesu oyo ku Sellersburg, tu jisi nkongole kuli nguwe ya busiku kutala okuya, elyo aboobo tu yanda kuya kutala kuyo mubona. Elyo mukwesu okuya ku Utica, kusika mu masiku aya mbuli mbo tukonzya.

<sup>9</sup> Ino mvwiki Ndi inka ku Green Bay, Wisconsin, mbuli mbo muzi, ku muswaangano wacooko iwa Bantu Basimilimo Bazwide Makanimabotu.

<sup>10</sup> Munsono mutobela, Ndi nooli ku cikolo eco cipati, kutala okuya, oko Nkwe kabede ciindi camamanino okuya. Nda luba zina lya buyake obo bupati bwa cikolo cipati. [Ii mukwesu

waamba, “Mather.”—Mul.] Ino ncinzi? [“Mather.”] Mather. Stephen Mather. Inzya. Yaa. Buyake bupati bwa cikolo.

<sup>11</sup> Elyo mpawo, mu Muvulo, Ndili mu muswaangano wabaiminizi kutala oko Nkwe kajata mubandi a nkamu eyo ya bakutausi mu Chicago, ciindi camamanino okuya. Tuli mu busena obo ku muswaangano mubotu maningi ku Mukwesu Joseph Boze, oyo uunka ku Tanganyika. Tanganyika, Nda syoma ula ciita. A Kenya, a Durban, a kwiinda omuya, kupanga kulibambila ku miswaangano yangu iboola; a mu Africa, a kwiinda mu South Africa. Elyo mpawo twa kulomba kuti utu yeeye mu mupailo mu miswaangano eyi. Mpawo tuyo jokela.

<sup>12</sup> Elyo Nse zyi awo Mpe jisi ciindi caku cijana, buzuba bumbi ku cikombelo, na pe, katutana kuunka kutala ku North Carolina. Elyo mpawo, kuzwa awo, kusika ku South Carolina. Elyo mpawo lweendo loonse kuya ku Cow Palace mu Los Angeles, ku South Gate. Elyo mpaawo Mpe langila kusika a kubona Ba. Weatherby, oyo wakapanga raifo eyo yaka bbotoka.

<sup>13</sup> Ta kajisi busena bwa mutwe bubambidwe maningi, a kulekela musyonga kutonta kusule mubusena bwa kuya kunembo. Yakali raifo yakaindi Nje kamu tumina. Wa kai donkozya, mpawo, akupanga musyobo wandeene wa raifo. Nda kabikka cipapa muli njijo, ndakaima a kudubula, elyo ya, ee, ya kabbotola ntobolo mayaadi aali makumi osanwe kundizunguluka, mbuli *obo*, ya keenzemuka mu janza lyangu. Mululi waka bbenda ku muncali wa mayaadi ali fifite, bbautu yakainka kusule kwini kwa cizangala ca munyama diya, mayaadi ali theeti, na foote kusule lyangu, a tubeela twa kubbotoka twakauluka akukwamuna makwa kuzwa ku masamu a zintuzyonse zimbi. Aboobo *eco* cakali munsi ku meso angu, kutandila buyo kabeela komwe, awo mpo kaka mwaika mbuli boobo. Elyo ikuti nicaka bbotokela . . .

<sup>14</sup> Elyo ntobolo eyo iya kuzunda kwa mapaudi ali myaanda ali sikisite naini ajatikizya kufundilila, lwayo, kakutakwe kubbotoka. Aboobo inga mwayeeyela kunji mbo cakabede ali njijo, kucita ceeco. Alimwi amuyeeye, ikuti niya kubbotoka, niya kazapaula mutwe wangu a makuko aalo, nywebo mwabona. Pele kwakali Mwami wakaimvwi alya, oyo wata kacilekela kundi cisa, kandi kwaamba buyo atala kumeso. Elyo kabeela kaniini kakainka kensi lya kubona kwa liso lyangu, kapanga kabalo kuzunguluka kumeso angu, aboobo tii kakaguma kumeso, oko kabeela kakubbotoka moka kanjila. Kamwi ka tubeela tupati ako kakajata mu cipoompo kakazunguluka liso, taka njila liso, nekuba. Oh, ma!

<sup>15</sup> Kutali ciindi cilamfu cakainda, mula yeeya, Nda kamwaambila kuti Wa kandi swaana mu kaanda, a kuti, “Uta yoowi, nkambo Busyu butakakilwi ibwa Jesu Kristo buli a

nduwe kwalyonse.” Mwabona? Mwabona? Aboobo eco cila citondezya, kuti Mbwa bede.

<sup>16</sup> Ii dokotela waka langa liso lyangu mu Louisville, wa kati baka lembela Dr. Sam Adair kunselelo okuno, mweenzuma wesu, a kuti, “I cintu buyo Nce konzya kwaamba, ncakuti Mwami wali kkede alya cifumo eco a mulanda Wakwe ku mukwabilila, na takaba a mutwe a makuko aka syaala.” Aboobo, Wa kali muboto ncobeni kuli ndime, alimwi Nda lumba eco. Ci ndileta munsi loko aniini. Ci bamba lwaandano luniini lyoonse.

<sup>17</sup> Elyo mpawo, mazuba obile kuzwa ceeco, mazuba otatwe, Ne kamana kuunka ku muswaangano wangu, oko Nkwe kakanzilide mu Canada, i muntu, kakutakwe kuziba cintu cimwi kujatikizya ceeci, kandiita kujoka, alimwi kacita kusaya kwa muswaangano. Mwabona? Ne kali mu lweendo okuya, eci cintu tii caka citika mbuli booboo. Mwabona? Elyo aboobo mpawo kwiita kujoka, elyo Nda kacita kubweza muswaangano, walo muswaangano waku Canada. Elyo oko kuyooba mu Kunkumunamasamu, mvwiki zya mamanino mu Kunkumunamasamu. Mpawo Ndi yabuya ku Dawson Creek, mpawo ku Anchorage, Alaska, na Mwami wayanda.

<sup>18</sup> Lino, taakwe umwi wa miswaangano eyi Ngwe kajsi kusololelwaa kuunka, kwiina omwe. Pele Nse konzyi kuyeyya kukkanala awa mainza oonse, nkekkele onse awa, nkabela bantu kabafwa koonse. Nde elede kubyala Mbuto, kufumbwa mbo zibede, takukwe makani cintu. Ikuti na taimeni, ikuti na bayuni ba muluwo bailya, kufumbwa mbo cibede, Ndi yanda kubyala Mbuto, nkaambo Wa kandipa zimwi zya kubyala. Aboobo Ndiyo—Ndiyo byala Mbuto nekuba. Lino, tu jisi ciindi awa eco Nce . . .

<sup>19</sup> Bantu banji, eco nco baita kuti, “amu bbizye” bavwanda baniini mu lusyomo lwa Bunakristo. Ee, eco cili kabotu, ikuti na wacita eco. Eco cili kuli nduwe. Mubwini, taba babbizyi ncobeni. Ba sansaila buyo maanzi aatala aali mbabo. Pele, kuli ndime, Ndi yanda kukkanala a ceeco buyo Bbaibbele ncolya kaamba kucita. Nkikaako, eco buyo Ijwi ncolya kaamba, nce ncico Nce yanda kucita, kufumbwa buyo Nco lya kaamba. Elyo, lino, Nse—Nse jani busena buli boonse mu Bbaibbele . . .

<sup>20</sup> Mu Cizuminano Cakale, baka leta bana ku kupalulwa kwa lukanda, balombe baniini, elyo banyina baka tuula cipaizyo ca kusalazigwa, nziba zyobilo na kabelele.

<sup>21</sup> Pele, mu Cizuminano Cipy, busena bulikke Mbwe konzya kujana ciibalusyo ca kuswaangana oku kupati kwa . . . Kwakali kutuula. Ba kaleta tuvwanda kuli Jesu, elyo Wa kaba bweza mu maboko Aakwe a kubalonezya. Eco ncencico bazyali ncoba kacita ba buzuba Bwakwe. Elyo buumi Bwakwe bwakali mukozyanyo wa ceeco nco tweelede kucita. Mwabona? Ezi zintu Wa kazicita kukuba mukozyanyo.

<sup>22</sup> Lino, tu bweza buyo bana baniini, nkabela bala baleta kuli ndiswe, alimwi tula bajatilila kuli Leza, a kulomba zileleko zya Leza aali mbabo, a kukomba mupailo wa kutuula kuzwa kuli banyina a bawisi, kuli Leza, mbuli mbo batuula mwana wabo. Elyo . . . na kubatuula mu Zina lya Jesu Kristo, kusikila ba lakomena bweelede kubapatizingwa mu Zina lya Jesu Kristo. Elyo lino, Wa kat, “Kufumbwa nco tucita mu ijwi na ncito, amu cicite coonse mu Zina lya Jesu Kristo.” Aboobo—aboobo nce cintu nco tu yanda kucita.

<sup>23</sup> Elyo lino, kuciindi mucizi nalizya lwiimbo olu luniini, mucizi, tuli jisi awa, *Amu Banjizye*. Elyo bamatumbu a matata abo bajisi bavwanda aba baniini batana tuulwa ku Mwami, ikuti na uyo baleta lino, kuciindi mbunga, twaimba cabuteteete kuli mbabo eno, lwiimbo. Inzya.

Amu banjizye, amu banjizye,  
Amu lete bana baniini kuli Jesu.

<sup>24</sup> Nda bayanda balombwana aba baniini. Kuli cintucimwi kujatikizya mbabo eco cibotu loko.

<sup>25</sup> Ndi yeeyela kuti oyu muna Itali wini. Tali nguwe na? Yaa. I mukwasyi waba Itali, bantu basyoonto abo beeleder kutuulwa. Mucizi muniini muna Itali awa uuzwa ku, oh, kuzwa ku Chicago, nkwal. Kat, “Oyu mukwasyi muna Itali, cifumo cino, pele Nse ka kambauki.”

<sup>26</sup> Nguni zina lyakwe? Jonathan David, ino ndi zina bbotu! Lino, Jonathan. Wa kat bawisi baka jisi ii—kajisi zina lyaci Itali, elyo wa kajisi . . . Walo uyanda muvwanda wakwe kuuzikwa zina lyamu Bbaibbele.

<sup>27</sup> Nywebo mulizi, kwakali muna Italiya mupati mu Bbaibbele, wa zina lya Koneliyo, ciindi cimwi, nywebo mulizi. Wa kajisi bbaandi, alimwi wa kali kabotu, alimwi wa kapa zya luzyalo ku bantu, cindi na kali Munamasi, kwalo. Nywebo mulizi kaano. Elyo buzuba bumwi Angelo wakasika ku ng’anda yakwe, waka mwaambila kutuma kunselelo ku muntu oyo wakazi bubambe bwa Leza. Elyo wa . . . Nywebo mulizi kaano. Kuciindi, wa kajisi bantu abo mu kulemeku kuli boobo kwa Leza! “Kuciindi Petro nakacili kwaamba Majwi aya, Muuya Uusalala waka bawida.” Mbo mbubo. Nda komba muvwanda oyu uyooba musyobo nguwenya wa muntu, zina ndilyonya.

<sup>28</sup> Jonathan, mubotu! Sa inga Nda mutambula? Boola okuno, Jonathan. Ma, ino nkokoto kaniini ika suga ku mukwasyi oyu!

Atu kotamike mitwe yesu.

<sup>29</sup> Taata wesu Wakujulu, myaka yakainda, mbuli kaano ako Nke zwaak kubalulula, ka muntu mulemu uulikidwe kuti Koneliyo, oyo wakali muntu mubotu, mululami, kupa zya luzyalo a kuyanda Leza. Elyo Angelo wa Leza wakasika ku ng’anda ya muntu oyo. O Leza, twapa kuli Nduwe, cifumo

cino, Jonathan Davida muniini. Nda komba, Taata Wakujulu, kuti mbuli mbo Nda mugwisya kuzwa ku maboko aa banyina a bawisi, abo bali mu kutondezegwa kuli Nduwe... Nda pa mupailo oyu wa kutuula kwa buumi bwa mwana oyu ku buumi bwa mulimo kuli Nduwe, cilongezyo ku muunzi, bbwe pati ku Mbungano. Ko cipa, Taata. Nda Kupa Jonathan David muniini, mu Zina lya Jesu Kristo. Ameni.

<sup>30</sup> Leza akupe luzyalo a lugwasyo Lwakwe lwa kumukomezya mu lulayo lwa Leza.

Yebo ulelekwe, Jonathan David.

<sup>31</sup> Lino, oyu umwi, wangu, walo mukubusyi uukubwene, na walo nguwe? Walo? Wangu, mukambausi umbi kaboola ambali, Nda syoma. Ino ndi zina nzi? Micah. Micah. Ndi kanana ali nguwe cifumo cino. Micah Edward. Edward, eelyo ndi zina bbotu. Lino, mukaintu wangu wakali kukonzya kucita eci kabotu loko cindi caboola ku kumujatilila, nkaambo lyoonse Nda yoowa kuti Njo bapwaya cindi nobacili baniini. Mwabona? Ino ncintu ciniini cibotu, alo meso maniini kaalanga konse. Walo muniini loko. Ula myaka yongaye yakukomena? Mweezi omwe wakukomena.

Atu kotamike mitwe yesu.

<sup>32</sup> Taata Wakujulu, banabukwetene aba bakubusyi alubo baleenda awa ku kupa kuli Nduwe micelo ya lukamantano lwabo lwa buumi Wa bapa, ku bakomezya mu lulayo lwa Leza. Leleka oyu Micah muniini. Leza, Nda komba kuti Uyo mubamba kuba muntu mbuli Micah mu Bbaibbele. Ko cipa, Taata. Komupa zilongezyo zya Leza. Longezya bawisi a banyina, a kumubamba kuba bunanike awa aa nyika, bbwe pati lya ngazi ku kaambo ka Kristo. Elyo lino, kotu swiilila, Taata, Nda tuula kuli Nduwe, kuzwa ku maboko aa bawisi a banyina, ku maboko aa Leza, muniini Micah Edward, mu Zina lya Jesu Kristo. Ameni.

<sup>33</sup> Akube kuti Mwami amu longezye, amu longezye, nobawisi a banyina, ku mukomezya mu lulayo lwa Leza.

Nda syoma nce ncico. [Kabeela katakwe cintu aa teepu—Mul.]

<sup>34</sup> Oh, Nda bayanda buyo balombwana baniini, boonse buyo. Kuti, umwi aumwi, muvwanda mubotu maningi mu inyika. Ta kuyandikani... Cindi Ne kaleta Joseph muniini ku muunzi, oyo wakali, uusyomeka, mulombwana muniini ugalankene maningi Ngwe kasola kubona, pele banyina a Ndime Nda kayeeya kuti wakalidooli. Pele nje nzila mboibede, nywebo mulizi. Eyo i... Tu yeeya buyo obo.

<sup>35</sup> Nda libuzya, cifumo cino, bamwi mamembala esu okuno. Kwa kali ii—ii... Lino, *eli* liiso lijisi belladonna muli ndilyo, kutaba akubona kabotu maningi. Pele Mucizi Nash... Kabuzya kujatikizya Mukwesu Nash; Nda libuzya ikuti na uli jisi

kabotu. Sa . . . Sa nkobali? Oh, ee, iiyi, nkwali. Alumbwe Mwami, Mukwesu Nash. Eco, eco ncibotu.

<sup>36</sup> Lino, Mucizi Edwards, sena nkwali? I . . . Na, Mucizi Shepherd, oyo waka jisi musimbi, muniini ucisidwe, uli kabotu lino? Ncibotu. Ndi jisi makani, alimwi cintu cali kutandila buyo maminiti osanwe mane Nda jisi bantu, bata kkali mu dolopo, ku miswaangano yakubuzyanya kwakumbali. Nda kazuzila mu kaanda kuyo paila, elyo bakati mwana wakali kutabukilwa poliyo, maboko a maulu akali kuyuminina. Elyo Nda kazuzila kuyo komba, a kuti, “Ndiyo boola kwakumana cikombelo.” Kaambila Loyce kujosya a kwaambila mulindu kuti Ndi nooli kokuya kwakumana cikombelo; ikuti na wali kuyanda ndime, ku ndiita. Elyo cindi Ne kanjila kuyo komba, Muuya wakati—kati, “Taakwe poliyo. Uyo oba kabotu.” Nda kaselemuka, ee, toonse twa kajisi mupailo kuno ku mbungano. Eco caka cibamba buyo.

<sup>37</sup> [Ii mucizi waamba, “Mukwesu Branham?”—Mul.] Iiyi, baama. [“Twa kaunka kuli dokotela mu Muvulo, noka mana kumu kombela ciindi citaanzu, alimwi konse kuciswa mu camba cakwe koonse kwa kamana, kuzwa ku kameneno kakwe.”] Alumbwe Mwami! Mupailo ulacinka zintu.

Kwaamba, tali kokuno pe, cifumo cino, ngu nguwe, mukwe? Inzya.

<sup>38</sup> Munsondo mwakainda, ciindi cainda Ne kakambauka okuno, Munsondo mvwiki, kwakali mulombwana mukubusyi waka kkede awa; Nda kazumanana kumulanga. Nda kayeeya, “Nde elede kuziba kasankwa ako.” Elyo kuboola kujana kuti, wa kali sicikolo nyina wa mwana wangu wakaindi, Jim Poole. Baa, twa kakomezegwa antoomwe, kuzwa ku balombe baniini, kutala. Ngo nguwe oyo Ngwe kaba a ntenda anguwe iya shotgani, ciindi eco, elyo mpawo kumane wakaba a umwi lwakwe, a mweenzuma wangu. Ndi syoma kuti inga Nda solelola mulombe oyo kuli Kristo. Nda kasoleka bawisi bakwe canguzu loko. Nda syoma Ndiyo cita, nekubabooobo, ndiyo muleta mukati. Nda syoma inga Nda solelola mulombwana oyo mukubusyi. Wa kajisi i . . . Nda kalanga koonse kuli nguwe. Wa kaboneka mbuli kuti wa kajisi kabotu, eco Nce iita lino (mutaka kabambi kaamba oku kuli umbi), pele, kunzwiima kwa muuya wakwe, kulimvwa kubotu. Nda syoma inga tee catola kunji loko ku solelola mulombe oyo kuli Kristo. Aboobo atu mukombele. Mbo mbubo.

<sup>39</sup> Elyo, mukwesu, wabona, muntuumwi umbi wakali cisidwe, na cintucimwi, eco Nce sola kuyeeya.

<sup>40</sup> Nekubabooobo, tula kombela boonse. Elyo cindi ziindizimwi . . . Cindi mwatuma nkumbizyo, amuyeeye, kufumbwa biyo Nda ijana . . . Mukaintu wangu uli mu buyake abusena bumwi, Nda yeeya, aboobo ulizi. Kufumbwa buyo Nda jana nkumbizyo, nkonya kugama ku kampetu kangu, Nda unka

ku mupailo, a kukkan alya mane Nda mvwa cintucimwi. Nse cileki buyo.

<sup>41</sup> Buzuba bumwi, cindi Sam, Dr. Sam, naka gwisya zintu ezyo kuzwa ku meso angu, wa kali kusola kucita, nkabela caka mucisa maningi, wa kacita kubikka cisansamuzyo ku busyu bwangu. Kati, "Nse konzyi kubona bulowa bwa mweenzuma wamunsi." Kati... Elyo Nda kasyomwa muli ncico, nywebo mulizi. Wa kati—wa kati, "Nse konzyi buya kucita ceeco a kubeleka ali ncico." Mwabona? Elyo aboobo wa kasomona ceeco. Elyo buzuba bwakatobela wa kali mu cibbadela. Aboobo Nda kamu kombela, nkabela wakazwa kali kabotu.

<sup>42</sup> Elyo mpawo buzuba bwabili, mukaintu wakwe, taakwe akwalo niba kazi eco cakalubide kuli nguwe, kayeeya kuti waa kali kulibwezela poliyo. Mwabona? Kati, elyo kati... Elyo waka mukombela, elyo lino walo uli ku muunzi kali kabotu. Aboobo twa kanjila mu kaanda, Doc... Twa kanjila mu ofesi, elyo wa... Twa kakwela mulyango antoomwe, kati, "Lino, Mukwesu Bill, Ndiyo kubuzya cintucimwi." Kati, "Sa uyo ndikombela a Betty?"

Nda kati, "Atu. Atu kombe."

<sup>43</sup> Aboobo, ngo nguwe oyo Mwami ngwa katondezya cilengaano, oko kwakuyaka kabbadela. Nywebo, mula yeeya kaano. Ikuti na wakasola kuczumbauzya, kounka munsi a kumubuzya ciindicimwi. Inzya, kaamba buyo kuti, "Akube kuti umwi aboole mukati." Kati, "Nda caamba ku bantu bali zyuulu zili kkumi."

<sup>44</sup> [Ii mukwesu waamba, "Mukwesu Branham?"—Mul.] Iiyi, mukwesu. ["Kuli baabo awa cifumo cino a kubikka lusyomo lunji mu myoyo ya umwi: Cifumo ca Pasika Munsono, wa akaita buntu buyandisi okuno, umwi watatu, oyo wakali mwaalumi. Yebo wa kaamba kuti wakali kuzwa ku Seymour. Alimwi yebo wakati, kwiinda mu bunanike bwa Muuya Uusalala, 'Ba ka kwiita kuti, "Bill.'" Ndi lizi muntu. Ndi li muzi kabotu loko. Elyo ni twa mana kuzwa awa, zina lyakwe ngu Isaac. Ba mwiita kuti 'Bill.'"] Iiyi, munene. Mwabona?

<sup>45</sup> Zina lyakwe lini ngu Isaac. [I mukwesu waamba, "Mbo mbubo."—Mul.] Pele ba mwiita kuti Bill. ["Mbo mbubo."]

<sup>46</sup> I Muuya Uusalala tau lubizyi. Walo tau kakilwi. Lino, oyu, muntu umwi wakali kwaambaula, kati... Ndili—Ndili makumi osanwe ayotatwe, alimwi th... kutandila myaka ili makumi otatwe aumwi, Nda kali kunze lya cikambaukilo, alimwi Nda ka Mu bona mu makumi a zyuulu zya zintu.

<sup>47</sup> Ijilo, Nda kali kumusanza, kulaale kumusanza, Kentucky yaku musanza, nkoonya ku munyinza waku Tennessee, elyo Nda kali kkede mu bwaato a Mukwesu Daulton, oyo Mwami ngwa kapa bana bakwe boonse kuli nguwe. Mula yeeya cifumo okuno,

cindi na katalika kweenda. Elyo wa kati, "Mukwesu Branham," kati, "Ndi yeeyela kuti inga caba ciyumu kuli nduwe kuyeeyela."

<sup>48</sup> Nda kati, "Oh, Mukwesu Daulton, makumi a zyuulu taimuzi makumi a zyuulu a zintu mbuli zeezyo."

Kati, "Nkaambonzi to soli kulemba bbuku" (Nda kati...) "lya ndilyo?"

<sup>49</sup> Nda kati, "Oh, ma, Mukwesu Daulton, inga ca—inga caunka kulanduka a bwaato obu awa, yalo insaikklopedia, mavolyumu buyo amabbuku aceeco Nce kabona Mwami kacita. Elyo taakwe ciindi comwe Na kasola kukakilwa, mwabona, taakwe ciindi comwe; pele, kulondoka ciindi aciindi."

<sup>50</sup> Nda bona, Nda syoma lino, ikuti na Nse lubizya, musimbi wa Mukwesu Shepherd, kasamide musyobo wa dressi liboneka mbuli fuleenke. Ndi yeeya obo. Nda kaima munsi lyakwe, cifumo cimwi. Waa kali kuselemuka, elyo Nda kayeeya kuti inga Nda bweza musimbi ulubide waku bweza, aboobo Nda kasamununa. Aboobo oyo wakali ndime wakaleka, mucizi. Nda—Nda kayeeya kuti wakali musimbi wa Mukwesu Shepherd, elyo Nda kali kunga ndamu bweza, nkaambo Nda kayeeya kuti ambwemi mootokala wakwe wa kanyoongana na cintucimwi. Twa kali kuunka, kuyo bweza Becky. Elyo Nda—Nda kayeeya kuti takali nguwe musimbi. Pele lino Nda kamubona kakkede ambabo okuya, aboobo Nda—Nda syoma wakali musimbi wakali nguwe. Aboobo oyo wakali ndime wakawela kutala kuya elyo mpawo wakasomona.

<sup>51</sup> Aboobo, bantubonse bayanda Mwami Jesu? Oh, ncibotuloko! Eco cili kabotu a kuboteleya. Ameni.

<sup>52</sup> [Mukwesu Neville waamba, "Mukwesu Willard wazwaa kunjila."—Mul.] Ee, Mukwesu Willard, tuli kkomene ncobeni kuba a ndinywe mukati. Elyo uboneka kabotu loko, akwalo, kububotu Mbwe konzya ku kubona. Swebo tobilo twaka baanga ngu hambaga, koonse kumeso. Nda kaboneka kuti Nda kaumwa atuniini twato. Elyo Nda kabona Mukwesu Willard busiku obo, cindi na kali koona, a kusyomeka ku bubotu, wa kaboneka bubyabi. Pele uboneka kabotu loko cifumo cino. Elyo twa pa kulumba a kulumbaizya kuli Leza nkambo ka ncico, mukwesu. Ameni. Iiyi. Nywebo mulizi, dyabulosi takonzyi kutujaya kusikila Leza waamba, "Ko boola." Mpawo tu yanda kuunka, tatusiti na, Mukwesu Willard? Mbo mbubo. Kusikila mpawo uli mukusola buyo mubuyo. Kwa mana. I Mwami Jesu ndugwasyo lwesu a mayubilo esu.

<sup>53</sup> Lino awa Nda ambaula ambali awa, cindi Ne jisi buyo maora atandila ku cisambomwe ku kukambauka cifumo cino. Mwabona? Buyo... Lino, tii twa kamantene, tii twa ka tuma matiketi, a zintu, nkaambo Nda kaambilizya kale kuti Nse kabi kokuno. Pele, kuboola buyo kunselelo a kugwasya Mukwesu

Neville, a kusika ku mubona nyoонse alubo, akuba aciindi ciini ca luswaanano.

<sup>54</sup> Elyo Munsono yainda masiku, Mukwesu Roy Roberson, Ta ndizi naa nkwalii omuno, na pe. Nse konzyi kubamba kunji kubona kuti mpali ano. Wa kandi tumina luwaile, wali kundaambila makani aa Mulumbe.

<sup>55</sup> Elyo mutu umwi wa katuma, kati, “Nda kali kugambwa cindi nokaambaula ‘Leza waka tupa zintu zyoонse.’” Mwabona? Wa kacita. Wa ka tupa buumi. Kusola ku buula. Wa ka tupa luyandisyo. Kusola ku luula. Wa ka tupa lutangalo. Kusola ku luula. Wa ka tupa luumuno. Kusola ku luula. Taakwe nzila ya ku luula. To konzyi ku luula.

Mpawo Nda kati, “Wa katupa lufu.”

Muntu umwi waka tuma, kati, “Omukambausi, Nda libuzya oko nko wali kwiinka a ceeco.” Kati, “Nda kayeeya, ‘Uh-oh, ngooyu Mukwesu Branham wa lyaanga mwini ciindi eco.’” Kutali cindi Bbaibbele lyaamba boobo. Mwabona? I Bbaibbele lyakati Wa katupa lufu.

<sup>56</sup> Lino, ino inga twa citanzi a lufu? Yebo ulizi, Paulo kaboola ku lufu, wa kati, “O lufu, luli kuli lumoola lwako?” Lufu talu tweendelezyi. Tula lweendelezya. Mbubo. Zintu zyoонse zyapegwa kuli ndiswe.

<sup>57</sup> Elyo mpawo Nda kapa bupanduluzi bwa nzila eyo Israyeli, mu kumaccing’ a kuya ku nyika ya cisyomezyo, taakwe nobakali naibona nyika eyo. Taakwe nciba kazi kujatikizya njiyo. Ba kajisi buyo cisyomezyo ca Leza, kwakali nyika, alimwi yakali zwide mukupa a buci, a bubotu, a—a busena upati. Elyo bwakali... Taakwe niba kaibwene. Taakwe mutu wakasola kuba okuya, wakazi cili coonse kujatikizya njiyo. Pele ba kajisi cisyomezyo njiyo. Elyo ku lusyomo ba keendeenda mu lukula.

<sup>58</sup> Elyo cindi niba kasika nkoonya ku munyinza, ba kajisi silumamba okuya wa zina lya *Joshua*, eelyo lyaamba kuti, “Jehova Mufutuli.” Aboobo waka zabuka Jordano, mu nyika ya cisyomezyo, a kujosya bumboni bwakuti nyika yakaliko. Nda ciyanda eco. Elyo yakali nyika mbotu. Baalumi bobilo baka jisi cikama comwe ca magirepu. Yakali nyika mbotu, aboobo wa kajosya bumboni bwakuti nyika njobakali kuyo vuba yakaliko.

<sup>59</sup> Lino, ku Mbungano, tuli mu lweendo kuya ku Nyika ya batafwika, Nyika oko kutakwe lufu, Nyika oko bafwide nkoba busigwa. Elyo twa kajisi Mufutuli mupati mu cilawo cesu. *Jesu* caamba “Jehova Mufutuli,” Muyandwa. Elyo Wa kazabuka Jordano wa lufu, mutala lya Nyika imbi, a kujoka, a kuleta bumboni mbo tupona kwamana lufu. Ameni. Aboobo luli kuli lufu?

<sup>60</sup> Elyo mpawo Wa katupa zintu zyoونse. “Lino tu jisi cizibyo ca lukono lwesu. Muciimo...” Lino amuswiilile kabotu. Elyo

Nse kambauki aa ciyo eco, pele cimvwika buyo kabotu kuli ndime ndyoonya lino. Mwabona? Kuti, tu jisi cizibyo ca ceeco. Nkambo, buzuba bumwi twa keenda mu cibi; alimwi kumane kubapatizigwa mu Zina Lyakwe, a kubuka a Nguwe mu bubuke, twa kazwa ku cibi, kutasola limbi kuyanda kujokela alubo. Mwabona? Twa kabuka kuzwa ku cibi, a bumboni obo mbo tu jisi. Tuli mu bubuke mubumwi kuzwa ku lufu loonse. Mwabona? Ikuti na twa konzya kubuka kuzwa ku cibi, kwiinda ku lusyomo muli Nguwe; elyo kuli cibi, nguni unga wayanda kujokela ku cingungulu ca cibi alubo? Mwabona? Twa kazwa ku lufu kuyaku Buumi. Mwabona? Elyo eco ncizibyo cacisyomyo. Ameni. Eco ncizibyo ca bubuke bumaninide. Lufu loonse, kunyama a kumuuya, twa kazunda lufu lwa kumuuya, nkaambo twa kazwa ku lufu kuya ku Buumi.

<sup>61</sup> Elyo mbuli Eliya mbwa kaselemukila ku Jordano buzuba bumwi, a kucuma, a Elisha, aka mwaika kusule, nkabela wa kazabuka. Wa jokela a caabilo cabubili.

<sup>62</sup> Elyo cindi twa uma Jordano, a Kristo, tu jisi cibeela comwe, pele cindi twa joka, tula boola a zyaabilo zyobilo. Tu jisi Buumi Butamani, bubuke kuzwa ku cibi, lino, mu bululami a Muuya Uusalala. Elyo mpawo mu kubweeda, a Kristo, tula jokela a bubuke bwakunyama, alimwi twa kajisi kale bubuke bwa kumuuya. Tuli jisi caabilo cabubili ca mbubo. Lyoonse cikozyanyo ca Kristo a Mbungano: Elisha a Eliya.

<sup>63</sup> Oh, Nse yandi katalika ali ceeco. Ma, ma, ma, ni twata kasika aa Mulumbe oyu wa oora lya cisambomwe okuno. [Mukwesu Neville waamba, “Nyama aa cifuwa, nekuba.”—Mul.] Iiyi. Ma! “Nyama aa cifuwa,” Mukwesu Neville. Ku cimpulukuta. Oh, sa tamu kkomene? Mwabona? Ta tu jisi . . .

<sup>64</sup> Takucikwe kupenzya limbi. Lufu talu cili cintu. Tuli lujisi. Ndu lwesu. Talu konzyi kundi endelezya. Nda lweendelezya. Buti? Kwinda muli Nguwe Oyo wakandi bamba kuba muzundi, nkaambo Nda zunda kale lufu. Mbobuti Mbwe kacicita? Kwiinda kukusyoma Nguwe. Mwabona? Lufu luli mu cibi, kutasyoma. Nseli sikutasyoma. Ndili musyomi. Nda kabuka kuzwa ku cintu eco, wakabuka. Calo ncizibyo ca bubuke bwangu boonse bumaninide, bubuke bwakumuuya, zintuzyonse. Iiyi, munene. Sa mwacimvwa? Aboobo tuli jisi lufu kubweendelezi bwesu, kwiinda muli Jesu Kristo Oyo wazunda lufu, gehena, cuumbwe, malwazi, buusu, zintuzyonse zimbi, kazunda kuli zyonse.

<sup>65</sup> Elyo lino twa kabuka a Nguwe lino, katu kkede mu masena Aakujuju, kukanana kumuuya, muli Kristo Jesu, a zintu zyoonse kunsi lya matende esu. Abwalo bubuke bwakunyama buli kunsi aa matende esu, nkaambo tuli muli Kristo. Sena—sena mwa cimvwa? Ikuti na mwacita, amu tambike maanza anu. Ameni. Eco ncibotu. Kufumbwa kuti wa cimvwa, eco cili kabotu. Mwabona? Muta lekeli . . . Lino amu zumanane kucibambe buyo

mu mizeeo yanu. Mwabona? "Twa kazwa ku lufu kuya ku Buumi," kunyama, kumuuya, munzila zyoonse.

<sup>66</sup> Elyo zintuzyonse, a zintu zyoonse, zizulilwa kuli ndiswe lino. Baa, inyika ili awa yaamba kuti tuli sondokede, alimwi nekubabooobo nyika yoonse nji yesu. Mbobuti mboya kwiikona?

<sup>67</sup> Cindi, mbuli Mbwe kaamba, Abrahamu, mwabona, wa kali mu nyika ya cisymezyo; Leza waka ipa kuli nguwe. Lota waka tolwa a zigebunga zizangi, katolwa. Oyo wakali mujwa wakwe. Yaa. Zintuzyonse zyakali mu nyika eyo zyakali kuzulilwa kuli Abrahamu. Aboobo, ta kali silumamba. Ta kalwana. Ta kajisi basilumamba bamwi a nguwe. Wa kajisi balanda bamwi. Pele cindi naka bona cintucimwi eco, dyabulosi, wakaboola a kumu bbida cintucimwi cakali cisymezyo kuli nguwe, wa kapataika zilwanyo ku bazike bakwe akubweza cilwanyo mwini. Ta kazi nzila mbwa kali kuyo zunda nkamu eyi yoonse ya bami. Balandu buyo basyoonto, pele Leza waka mwaambila bwa kucicita. Wa kalyaabaula mwini, a kujaya bami, a kujoka kuzunda. Nkaambonzi? Wa kabikka lusyomo lwakwe aa cisymezyo ca Leza kuti zintu zyoonse mu nyika eyo zyakali zyakwe, alimwi Lota wakali cibeela ca njiyo, mbo mbubo, cakali cibeela ca nyika. Oh, ma!

<sup>68</sup> Elyo ngooyo wa kaswaana Melikisedeki, nkondo niya kamana. Sa inga mwabona Abrahamu kaboola mu mugwagwa? Ta kazi kuti wakali silumamba, pele wa kalizi mpawo mbwa kabede. Iyi, munene. Elyo wa kaswaana Umwi Oyo wakapa cisymezyo, Melikisedeki.

<sup>69</sup> Lino atu bale kuzwa mu Bbuku lya Amosi. Ndiyo kanana cifumo cino; kutali maora ali cisambomwe, nekuba. Nse langili. Mwabona? Ku ii—aa ciyo, cakuti, *I Nzila Ya Musinsimi Wakasimpe*. Elyo sunumasiku, Mwami nawayanda, Ndiyo kanana, *Ku Gwisya Kufundilila*, elyo aboobo i—i Mwami nawayanda.

<sup>70</sup> Lino, Ndili zizilwe kuba sikukazya, pele Nse—Nse—Nse li sikujana butongo, cintu cili coonse cilubide. Pele Mebo, swebo, tweelede kukazya cilubide.

<sup>71</sup> Lino, ikuti na mula yasya marekkoda anu lino, mu kaanda, baa, yaa. Ndi yanda kubala lino kuzwa kuli Amosi, cipati 3. Na i...iyi. I cipati 3 ca Amosi, cibeela buyo ca ncico, Amosi 3:

*Amuswiilile eli ijwi MWAMI ndya kaamba kuli ndinywe, O bana ba Israyeli, ku mukowa oonse oyo Ngwe kagwisya kuzwa ku cisi ca Egepita, kwaamba,*

*Nduwe olikke Ngwe kaziba ku mikowa yoonse ya nyika: nkikaako Njo kusubula nkambo... milandu yako.*

*Sena bobilo balakonzya kweenda atoomwe, kaba tazuminene?*

*Sa mulavu inga wavuluma musyokwe, kakuli ta jisi cakulya? sa syaanza inga walila kuzwa ku bulyango bwakwe, ikuti na tana kujata cintu?*

*Sa kayuni inga kawida aansi ku kakole, awo aatakwe sikukateya? sena kamwi inga kakole kafwisuka kuzwa a ansi, na kata jata cimwi pe?*

*Sena mweembo uyo lila mu munzi, nkabela bantu taba yoowi? sena kuyooba bubi mu munzi, nkabela MWAMI ta bu cita?*

*Nincobeni Mwami...taka citi cintu, pele ula yubununa maseseke akwe ku balanda bakwe basinsimi.*

*I mulavu na lila, nguni uta yoowi? Mwami LEZA akanana, nguni uta konzyi kusinsima?*

<sup>72</sup> Meso akwe eelede kusumana, mbuli mbwa kaima cifumo eco aa cilundu kwiindilila buyo dolopo lya Samariya. Nda konzya kubona maanza akwe mayumu mbuli mbwa keenda kwiinda mu cilezu cakwe camvwi. I zuba lipya lyakali kumweka. Ta kali kweebeka maningi kulanga. Obo mbo caandene kuzwa ku bavangeli basunu! Zisani zyakwe zyakali galankeke;; malezu kaboneka kupalangana. Elyo kalanga ansi ku munzi oyo waku Samariya, meso akwe kasumana mbuli mbwa kalanga. Ta kali kweebeka loko, pele wa kajisi MBUBOOBU MBWAAMBA I MWAMI wa cisi eco.

<sup>73</sup> Ca kali, antela, lwandaano lunji ku muswaangano oyu wanguzu wakali kuboola, cakuti Mwami waka mutuma ku Samariya, kwiinda abo bavangeli besu basunu mbo bayooba. Ta kali bambilide ku lubukulusyo luli boobu, mbuli mbo tunga twa yeeya kuti mbwa elede kuba sunu. Pele amuyeeye, ta kali muvangeli wabusyaasunu. Wa kali musinsimi. Ta kabikkila maanu kujatikizya zibelesyo zyabusyaasunu. Wa kajisi MBUBOOBU MBWAAMBA I MWAMI.

<sup>74</sup> Ta kajisi makani obo mbwa kalanga, a kunji kwa ciyanza mbwa kasamide mbuli, naa masusu akwe akali sakwidwe kabotu, na kufumbwa mutu waka mulanga na pe. Wa kajisi Ijwi lya Mwami. Obo bwakali bukanze bwakwe buzwide: kuleta Ijwi eelyo lya Mwami. Nguni wakali mulombwana oyu? Iiyi. Wa kali Amosi, musinsimi, mugame ugalkane, pele wa kalizi awo mpa kaimvwi. Wa kalizi eco ncakali kucita. Wa kali musinsimi wakasimpe wa Ijwi. Elyo kaambo nca kaboola ku muunzi oyu, kakali kaambo kakuti Ijwi lyakali musikilide.

<sup>75</sup> Elyo cindi Ijwi lya Mwami lya boola ku mulanda wini, we elede kuunka, kakutakwe kulanganya ziimo, na kutalanganya zya buyumuyumu. We elede kuunka, nekuba. Naa uli libambilide, naa ula limvwa mbuli ncico, naa ula yanda, naa kufumbwa cimbi; we elede kuunka, nekuba. Ngu Leza kakanana, alimwi we elede kubweza Mulumbe oyu. Nkaambo, cili... Ta unkili zya bufubafuba. Ta unkila mali. Ta unkili

zya mpuwo. Walo uunka biyo mu Zina lya Mwami, ku cintu comwe. Walo ujisi ii—ii mulimo wakutolela lusyomo, alimwi wa katumwa aa Mwami. Elyo walo ndi Ijwi lya Leza, nkaambo uwaxedede Ijwi lya Mwami. Oyo musinsimi wa bwini iwa Mwami.

Cibalo cangu ncakuti: *Inzila Ya Musinsimi Wakasimpe Wa Leza.*

<sup>76</sup> Oyu muntu, mulemu utayoowi iwa Leza waka sinsima mu mazuba akwa Jeroboamu wabili. Ndi jisi cibeela ca makani akwe aakale aleembedwe awa kumbele lyangu. Wa kasinsima kutandila myaka iili kkumi ayotatwe ya miswaangano yakwe yanguzu. Elyo Jeroboamu wakali, Jeroboamu wabili, wakali buyo kutandila mbuli musongo a kukonzya muntu mbuli Israyeli mbwa kajisi kwa ciindi cimwi. Wa kali muntu oyo wakaleta lusumpuko kuli Israyeli. Israyeli yakali kufwefwema koonse. Pele, walo, wakali cintucimwi cilubide kuli nguwe. Wa kali simituni.

<sup>77</sup> Elyo Ndi baanga ndabala ceeci, buzuba bumwi, Ndi baanga ndayeeya kuti eco cakali kweelela kapati sunu. Takukwe makani obo muntu mbwali musongo, a kunji mbwakonzya kucita, a kunji kwa lusumpuko, ikuti na wa tantamuka kuzwa kuli Leza, ngu sinkoloto ku cisi, kuzwa kuli Leza a Ijwi Lyakwe. Nda libuzya ikuti na ta ceeleli kuli ndiswe, sunu, ku muntu umwi oyo uyanda kukkala kulanga cipekupeku a kutondezya obo mbo bali basongo, kuvula kwa boongo nkoba jisi. Pele Nda libuzya ikuti na bajisi kunji kwa kubweza MBUBOOBU MBWAAMBA I MWAMI. Wa kali muntu musongo, yaa.

<sup>78</sup> Israyeli yakali mu ciimo ciwide. Bakambausi bakwe, bapaizi bakwe, alimwi ayalo mfulumende yakwe, ya kasiide Ijwi lya Mwami. Lino, tiiba kasyoma eco. Ba kasyoma kuti bakali a Ijwi lya Mwami. “Pele kuli nzila eyo iboneka kabotu ku muntu, pele mamanino ayo ni nzila zya lufu.” Nkaambonzi nco bakalubide? Nkaambonzi muntu nca kakonzya kusyoma kuti—kuti—kuti bakali lubide? Ii bupaizi boonse bwa bantu, zyuulu zya bakambausi a bapaizi, a bamami a babanzi, boonse abo bakalibanda kuba bakombi ba Leza, alimwi, nekubaboobo, boonse babo bakali lubide.

<sup>79</sup> Mpawo, tiiba kali kuyandikana mwaami ku kuzwidilila. Eco nco baka bulide wakali musinsimi, nkaambo Ijwi lya Mwami, na bupanduluzi bwa Ijwi lya Mwami, liboola ku musinsimi wakasimpe. Ziindizimwi mula konzya kubona nzila yakwe mboibede kai. Ni nzila mbotu igalankene, cindi bapaizi boonse, a bakambausi boonse, a—a—a boonse basikupambukana, elyo—elyo mfulumende lwayo ila mulwana. Pele, nekubaboobo, Ijwi lya Mwami liboola ku musinsimi, alimwi eelyo lilikke. Uli jisi Ijwi liluleme. Nekubakuti wa kajisi Bbaibbele ndilyonya ndoba kajisi, pele Ijwi lyakali kuli nguwe. Leza wakali kusimpikizya kuti wa kajisi Ijwi.

<sup>80</sup> Ba kajisi mayake mapati maningi a ziyanza zya bukombi, azimwi zimbi, ezyo nzyoba kasola kuba azyo, zipaililo zya kayakwa koonse, a—a misyobo yoonse ya—ya zintu, pele nekubabooobo zyakali mamaile ali milioni kuzwa ku Ijwi ly a Leza.

<sup>81</sup> Ndi yeeya kuti, lwangu, cifoto inga ceelela kaboutu loko sunu, mbuli Mbwe bala eli Bbuku ly Amosi. We elede ku cibala cindi waunka ku muunzi. Mfulumende yoonse, bapaizi, boonse babo bakasiya Ijwi ly a Leza.

<sup>82</sup> Ndi yanda buyo kubala cibeela cimbi ca Lugwalo awa, Ndi jisi, kutondezya awo mpoba kacicia. Lino atu bale cipati 2 a kampango ka 4, aniini buyo.

*Mbuboobu mbwaamba MWAMI; Nkambo ka nsotoko  
zyotatwe zya Juda, a nkambo ka zyone, Nse katantamuni  
cisubulo ca mbubo; nkaambo basampaula mulao wa  
MWAMI, . . .*

<sup>83</sup> Eelyo ndi Ijwi, baka Li sampaula, elyo nekubabooobo bakali kuyeyya kuti bakali Li jisi.

*. . . alimwi tiiba kabamba milao yangu, alimwi bubeji  
bwabo bwa kabacitya kucita bulubizi, . . .*

<sup>84</sup> Lino, ba kajisi Ijwi, Bbaibble, pele bubeji obo mboba kaswaanganisigwa a Ndilyo bwakabacitya kulubila.

*. . . mbuli . . . obo bamawisi moba keendela:*

<sup>85</sup> Mwakabona kaambo? Lino, ba kajisi bulubizi nkaambo kakuti baka bikka busanduluzi bwabo beni na bupanduluzi ku Ijwi. Elyo Nda yeeya kuti cali kweelela sunu, mbuli banji loko bayanda kubikka muzeezo wabo beni ku Ijwi, elyo tula njila mu kunyongana. Ino nkutapatilwa kuzwa kuli Leza, musinsimi oyu waka jisi.

<sup>86</sup> Lino, Amosi wakali musinsimi wa Leza, musinsimi wini. Kufumbwa muntu oyo usola kubala makani a Amosi ulizi camba ca muntu oyo uutayoowi iwa Leza. Ula nganisigwa kuba umwi wa basinsimi baniini, nkaambo ta kakkala kwa ciindi cilamfu, pele ncobeni wa kabikka kaleba ku tuyanda wa musamu. Wa kali umwi wa batayoowi maningi ku basinsimi, elyo wa kasika a bunanike. Wa kaboola a MBUBOOBU MBWAAMBA I MWAMI. Wa kalizi eco ncakali kwaambaula, nkaambo bunanike bwa Leza bwakali aali nguwe kuleta bupanduluzi bululeme ku Ijwi ly a Leza kuli mbabo.

<sup>87</sup> Amosi wakazwa ku cisi, nkanda, kuya ku muunzi wa bweebesi. Ta kalinaba ko okuya. Wa kali mulombe wa cisi, kulaale mu nkanda. Kuciindi nakali kusule kuya mu mupailo, Leza waka muswaana, alimwi waka mwaambila zya bubi bwa cisi eci ca bweebesi muli eco wa kali cibeela ca ncico. Elyo Samariya yakali kkapitolo, imwi ya makkapitolo ku ciindi eco, aya bulelo bwa Jeroboamu.

<sup>88</sup> Elyo cindi na kaima okuya cifumo eco, atala lya cilundu, keenda kasamide, zisami zyakwe zyakaindi, mbozibede zya cisi, antela lusuko a ntimba ku matende akwe, alimwi awo mpa koona mu cikobela eco cakaindi cigalankene, masiku a masiku. Elyo Ta ndizi, ta kajisi bbathitabbu mu mazuba ayo. Antela akali mazuba masyoonto kuzwa naka sambide. Pele eco tacinyonganyi mukati ka muntu. Kunji maningi, buzuba, kusama aanze, kutali kunji muli camukati. Tula bikkila maningi maanu akujatikizya kuti na katuno samba abuzuba, a masusu esu kaabambwa kabotu, alimwi zisani zyesu kazicinewa, a zintuzyonse, elyo mpawo kulekela mukati kwiinda kuli konse, kusama zikobela nzyoonya zyakaindi zya cibi, kununka kwa buntu ku tuyanza a buzumini bwabukombi, a kuta cilingula a ku cisambazya mu Ijwi lya maanzi aakusalazyza, kuzwa ku zintu zya nyika.

<sup>89</sup> Mbuli mbwa kaima cifumo eco, kalanga aatala lya cilundu, ku muunzi oyo wa bweebesi, kazwide zintu zya busyaasunu ezyo nzya takali kulota kuti kwakali cintu cili boobo. Israyeli yakali mu ciimo cayo caatala. Ya kali mu bbelekelaamwi a masi oonse akeengelede. Bweebesi maningi, banakazi bakasamide kasena, a i—a baalumi. Alimwi baka njidwe maningi zya misaalo, mizundano ya kuzuza, a zya misobana yandeene, a zintuzyonse kazi zumanana. Ta cigambyi meso aakwe akasuumana; kutali a bweebesi bwa muunzi, mbuli muntu umwi sikweebela zilengwaleza mbwanga wacita, kuboola mu New York, na ku Los Angeles, mukubona banakazi batasamide kumaninina, baalumi kulilemeka bumwi, a cibi.

<sup>90</sup> Beenzuma bangu bamwi, mazuba masyoonto aindu, bakali kuboola kuzwa ku lweendo lwa kuzela nswi, kunsi buyo lya kkolegi lya Bbaibbele lya kkolegi lipati, lyampuwo. Elyo okuya, kabalede mu mugwagwa, mu bwizu, bakali basimbi bakubusyi, kabatasamide kumaninina, a balombe baniini, antela basicikolo kuzwa ku kkolegi, kabanywa a kulilemeka bumwi, bubyabi.

<sup>91</sup> Lino, kulilemeka bumwi mbuli oko kweenda kusama zisani zinji loko zya bana America abo baliita kuti Mbanakristo. Cindi balanga kumusanza mu Los Angeles, na Nda kabolangilila mu ndeke cindi ni twa kanjila ku Los Angeles; taakwe nobakali nasika okuya; na ku Hollywood, na—na ku Florida a kuyasya malaiti abo onse aneoni atala lya i—i masamu a palmu. Oh, bakali kupauda mpemo zyabo zipyta, akuli penta. Ba kali... kayeeya kuti cakali cintu ca bweebesi maningi ncoba kasola kubona. Elyo amubone basamide kabotu a basamide, kabeenda mu tugwagwa, bakali kuyanda kuba kokuya akubona cakujata obo mbo bakalino sama zikobela zyabo, na kuli bbwayaula atala ansi lya tugwagwa. Cindi, ba yeeya kuti eco ncintucimwi cibotu loko.

<sup>92</sup> Pele ayo meso aakananikwa aa Leza aa musinsimi oyo tako suumana nkaambo ka bweebesi, mbuli bamwi basikweebela zilengwaleza, pele ku bubi bwa micito, ku bantu abo bakaitwa

kuti balelekwe kuli Leza. Meso akwe takalanga ku bwuebesi. Ta kaceya nkaambo ka bwuebesi. Kakali kaambo ka i—i—i cisapi a bubi bwa bantu abo bakaitwa kuba basale ba Leza, akulilemeka munzila mbuli eyo. Kalibuzya, wa kati, “I mulavu avuluma, nguni uta yoowi? Leza wakakanana, alimwi nguni ukonzya kuleka kusinsima?”

<sup>93</sup> Wa kabona kubola, kubija. Nce ncico ncakali kulanga. Nce cindi na kabona zyoonse ezyo. Tii zyaka mukwelelezya. Ca kamucima ku buntu bwakwe. Nkaambonzi? Wa kali musinsimi. Wa kalizi eco Leza nca kasyomezya kuleleka, a cilongezyo mbo cakabede, a nzila bantu mbo balilemeka a cilongezyo. Elyo dyabulosi wapindamuna mu buzuba bwakwe, kuzwa obo cilongezyo cini mboca kabede, ku ii—ii—ii kubija kwa micito; cileleko caku labya meso a kuyandisya kwa bantu batasandukide, ku luyando a nzila ya Leza, a nzila ya buumi bwa Leza.

<sup>94</sup> Obo mbo cili ciliisyu sunu! Obo bakambausi mbo bakonzya kwiima mu cikambaukilo, a kulanga aa cibi a bubi bwa nyika eyi, a kubona bantu abo bacita a kulilemeka nzila njoba cita, elyo mpawo kuba longezya buyo nkaambo mamembala aa mbungano yabo, na kabungwe, nkunji kwiinda buntu bwangu mbo bukonzya kumvwisyis.

<sup>95</sup> Cindi Leza akanana, kusinsima! Ikuti na Muuya wa Leza wauma musinsimi wini wa Leza, uyo mpolola a Ijwi. Nse yandi kuba sikukazya, pele nguni ukonzya kubaumuzya? Nguni uukonzya kwiima kulanga aa cintu cili booboo, a kutaminina kuba mulanda wa Kristo, a kuta ciita? Nse jisi makani obo kabungwe mbo kanga kaamba, na eco mbungano ncinga yaamba; ako nke kaambo Nse zulilwi kuli nzizyo. Inga bakutanda, cintu citaanzi. Pele Ijwi lya Leza liboola lutaanzi. Ikuti na uli mutumwa, ujisi cintucimwi ca kwaamba. Ikuti na waamba kufumbwa cintu ciimpene ku Ijwi eli, toli mutumwa kuzwa kuli Leza; uli mutumwa wa cipangano ca kabungwe kamwi na lwiyo lumwi. Pele mutumwa wa Leza uli jisi Ijwi lya Leza.

<sup>96</sup> Elyo mweenzuma wesu, cifumo cino, mbuli mbo tu mulanga, wa kajisi Ijwi lya Leza, nkaambo wa kali musinsimi wakasimpe iwa Mwami.

<sup>97</sup> Lino, ba kayeeya kuti baka jisi i—i bupanduluzi kuli ncico, a kuyeeya, “Ee, masimpe, langa eco ncotu cita.”

<sup>98</sup> Lino, cintu ca ncico ngu, twa mujata kaimvwi alya atala lya cilundu cifumo cino, kalanga konse, ansi kwinda mu dolopo. Kazungaanya mutwe wakwe, kalanga; meso akwe kasuumana. Kabweza siliivu yakwe a kupukuta nkasaalo kuzwa ku busyu bwakwe, a suko. Zuba lipya kalibala aa mutwe wakwe wa lubala. Cilezu cakwe kacilengelela aansi; ula cikumba a maanza aakwe.

Ta kabona bweebesi. Wa kabona cibi. Tii caka mubotela. Ca ka mucima.

<sup>99</sup> Nkaambonzi nca ta kaamba kuti, “Mebo, mu Israyeli, amulange obo cisi cangu mbo caka zwidilila”? Mbobuti mbwa kakonzya kwaamba eco kakuli wa kali musinsimi wakasimpe iwa Leza, mukuziba micelo, alimwi ncinzi cakali kuyooba ku cintu cili obo?

<sup>100</sup> Atu mwiiimikizye aatala lya cilundu sunu a kumu lekela kulanga ansi. Amu muleke alange mu Jeffersonville, ku bantu abo baliita kuti Mbanakristo. Amu muleke alange moonse mu America ku bantu abo baliita kuti Mbanakristo. Meso aakwe aa Leza aakananikidwe nakacceya alubo. Maanza Akwe akapukapuka mu cilezu cakwe. Nkaambonzi? Ta boni bweebesi a lusumpuko ezyo inyika nzoi bona. Ula bona i—i kuunka kuzwa kuli Leza. Ula bona kubija kwa micito ya bantu. Ula bona kuwa kwa cisi. Ula bona kubola mu mbungano. Mbobuti mbwa kalino cita cimwi pele kucesya meso akwe, akuyandisya kunjila muli ncico, kutegwa kakonzya kucizapaula mu tubeela?

<sup>101</sup> Ino kuti bishopo umwi naka muswaana kutala kuya, a kwaamba, “Lino, sena uli musinsimi wa Mwami? Lino, tula kwaambila eco nco konzya kwaamba a ceeco nco takonzyi”? Muyeyea kuti naka swiilila? Ino kuti noba kaamba, “Amuboole musangane kabunga kesu eno, elyo tuyo mugwasya mu miswaangano yanu yanguzu”? Muyeyea kuti naka swiilila? Peepe. Nse kakonzya kuyeeyela ceeco, kuzwa ku muntu mbuli oyo. Peepe.

<sup>102</sup> Wa katumwa aa Leza. Ta keelede kuba a kubelekela antoomwe kwabo. Wa kajisi Ijwi lya Leza, kunanikwa kwa Leza, ciindi cakasalwa aa Leza. Wa kali kuboola muli MBUBOOBU MBWA AMBA I MWAMI. Uh-huh. Oyo musinsimi wa bwini. Eyo nje nzila mbwa enda. Uleenda katakwe cintu pele MBUBOOBU MBWA AMBA I MWAMI.

<sup>103</sup> Sa oyu munzi wa Samariya wa bweebesi, oyu Israyeli, sikulibanda wakayiide kapati, aba bakambausi a bapaizi babotu, ba tambula mulombwana oyu, muniini utazizilwe? Antela bwaambe bwakwe bwa cisyobo bwakali bubi loko. Kazwa ku mukwasyi mucete mu nkanda. Kazwa ku muunzi, wakaitwa aa Leza, wakainka mu nkanda kuyo langalanga Leza a Ijwi Lyakwe, a kuba musinsimi. I Mwami waka mucitya kuzyalwa munzila eyo.

<sup>104</sup> Basinsimi bala zyalwa, mutumwa wa bukkalo, oyo Leza, kwinda ku kuzibakale, ulizi bukkalo alimwi uli jisi mwiiiminizi Wakwe okuya wakuita cibi.

<sup>105</sup> Sa oyo munzi wa bweebesi niwaka mutambula? Muyeyea kuti abo banakazi niba kaswiilila eco nca kaamba? Muyeyea kuti bapaizi abo niba kaswiilila kuli nguwe? Baa, peepe, munene. Ta kajisi ku kulwaizigwa a nguwe, kuzwa ku kabunga

kali koonse. Ta kakonzya kwaamba, kuti, "Iba Farisi baka ndituma." Akwalo ta kakonzya kwaamba kuti ba Saduki baka mutuma. Ta kali kubweza zyeelelo zimwi. Ta kajisi kkaadi lili lyoonse lya luswaanano kuzwa ku nkamu ili yoonse ya bantu. Ta kajisi sikusololela wa kubamba miswaangano yakwe yanguzu. Tii kwakali ba Farisi boonse abo baka jisi muswaangano wa lukamantano a—a kalimbabula ka bakutausi, a kubikka zintuzyonse antoomwe, ku kubamba miswaangano yakwe yanguzu, a kuziba kuti wakali kuboola. Walo tazizilwe kuli mbabo. Ta kajisi kkadi lya luswaanano. Ta kajisi zyeelelo. Ta kajisi kukulwaizya kuzwa ku bantu.

<sup>106</sup> Pele wa kajisi MBUBOOBU MBWAAMBA I MWAMI. Eyo nje nzila ya musinsimi wakasimpe. Wa kajisi MBUBOOBU MBWAAMBA I MWAMI. Ikuti na wa kajisi MBUBOOBU MBWAAMBA I MWAMI, kuliindene maningi ku mancenjela aakabambwa aa bantu kuno. Nku koonse nkvakali kuyandika. Ikuti na wa boola nzila *eyi*, wa kaboola mu zina lya mbungano. Ikuti na wa kazwa mu nzila *eyi*, wa kaboola mu Zina lya Mwami. Aboobo, musinsimi wakasimpe lyoonse ulaboola mu nzila ya Zina lya Mwami. Lyoonse, ula boola mu Zina lya Mwami.

<sup>107</sup> Lino, ta kakonzya kutondezya makkaadi aa luswaanano, pele wa—wa kajisi Ijwi lya Leza. Elyo nce ncico Leza nca katuma ku bantu. Lino, bantu bakalibambilila tubunga. Ba kajisi tukamu twandeene twa bukombi, alimwi eco nce ncico bantu ncoba kapanga. Pele Amosi tako jisi ceeco. Wa kajisi buyo MBUBOOBU MBWAAMBA I MWAMI. Nce ncico nca kajisi.

<sup>108</sup> Inga ndayeeya bapaizi abo, cifumo, kuba aa cifumo ca sabata, kuba a mupailo muniini, zimwi zimbi, kuswaangana kuniini kwakutuula, a—a ku jokela. Elyo kaambaula zintu zisyoonto aali Musa mupati, kuti buzuba bumwi mwa kapona, a muntu umwi mulemu oyo buzuba bumwi mbwa kapona. "Pele, oh, mazuba aa ceeco akamana lino. Nywebo no bantu mulizyi muleli wesu mupya, mfulumende yesu mpya a zyoonse nzo tujisi," a kwaambaula a zintu zisyoonto mbuli ezyo a kuya ku muunzi.

<sup>109</sup> Pele mpaawo kwa kaboola mwaalumi uta bikkili maanu kuli ceeco. Wa kaboola a MBUBOOBU MBWAAMBA I MWAMI. Mwabona? Eyo nje nzila ya musinsimi. Taakwe kubelekela amwi, kalizi eco cakali kumulanganya, kalizi kuti zintuzyonse zyakali kuyo mulwana, lizi kuti inga bayo mu kaka, inga bayo mu kaka. Pele wa kali kaboola mu Zina lya Mwami.

<sup>110</sup> Jesu wakalizi kuti Kalivari yakali ku Mu langanya, pele Wa kaboola mu Zina lya Mwami. Mwabona? Eyo nje nzila ya musinsimi wakasimpe.

<sup>111</sup> Wa kajisi Ijwi lya Mwami lya cisi. Pele Ijwi lya bwini ilya Mwami lyakali ceenzu ku bantu abo. Nekubaboobo, bakali kuyeeya kuti bakali Li jisi. Nda syoma eci cilasakana ansi. Ba

kayeeya kuti bakali lipede a bakombi loko, kuti Ijwi lya Leza lyakali cintu ceenzu kuli mbabo.

<sup>112</sup> Eyo nje nzila mbo cibede sunu. I Ijwi lya Leza lya yubululwa ncintu ceenzu ku bantu banji ba Pentekoste. Ibupanduluzi bwini bwa Ijwi, mapenzi mapati ncobeni, a kusinganya, zilongezyo zini zya Leza ncintu ceenzu ku bantu banji abo baliita kuti busalali, mamembala aa mbungano, Banakristo. Ncintu ceenzu kuli mbabo. Ta ba cizyi. Ko Ca amba kuli mbabo. "Tabana kumvwa cintu cili boobo." Elyo, nekubabooobo, tubunga twabo tula komena a kusumpuka, kuya kukomena loko a kukomena loko ciindi coonse, elyo tubunga tumbi twa kayungizya mwaka aumwi.

<sup>113</sup> Ba kali kuyeeya kuti kufumbwa cintu eco caka boola kuli mbabo ca keelede kuzwa ku nkamu ezyo zyankamu zyamipampo. Nconzyo niba taka mutambula. Alyalo sunu inga tiiba cicita. Ba kali lubide kwaciindi cilamfu, kuti, "Leza wakali kukonzya ku mabwe aya kubusya basinsimi beni kuli Leza." Leza ula konzya, ku muntu sigani wakaindi. Ula konzya kubusya, ku mabwe aya, bantu bayo iminina Ijwi Lyakwe, a kusinsima mu Zina Lyakwe, Bwini. "Kubikka kaleba ku muyanda wa cisamu." Lekela tufwelenga twaloka. Ta ndikwe makani na ujisi kubelekela amwi na taakwe kubelekela amwi. Pele eyo nje nzila ya musinsimi wakasimpe.

<sup>114</sup> Bantu bamwi bayeeya kuti waka cijana mu buteteete. Ta bazi eco nco baamba. Ta kaletwa mu tauni mu ng'ola, katantide mbizi, zyaka tambisigwa kabotu, alusakatizyo, elyo bapaizi bapati kabaimvwi okuya, a zintu zipati aa mitwe yabo, kabakoteme kuli nguwe, "Ulemekwa Dr. *Niini-a-niini* ula boola." Obo nibwa kaba bubambe bumwi bwakabunga.

<sup>115</sup> Mbuli Mwaami wa boonse babo mbwa kaboola, Wa kaboola, mbuli, kaboola kwiinda mu cilido cabanyama mu butala bupati, butala bwa ng'ombe bupati. Kwiina naka boola mu lusakatizyo a bulemu, pele Wa kaboola mu bubombe bwa Muvwanda wakazyalwa mu butala bupati. Amosi taka boola... Ijwi lya Mwami; nkaambo wa kali Ijwi lya Mwami. Kufumbwa Ijwi lya Leza, tali muntu; ngu Leza.

Jesu wakati, "Nseli Ndime ucita milimo."

Ba kati, "Uli Muntu, ulibamba Lwako kuba Leza."

<sup>116</sup> Wa kati, "Mpawo ikuti na Nse citi milimo ya Leza, muta Ndi syomi. Pele ikuti na milimo ila lyaamba lwayo, amusyome milimo, ikuti na tamu yandi ku Ndi syoma."

<sup>117</sup> Amosi wakali Ijwi lya Leza kweenda kuselemuka mugwagwa. Wa kanjila, cakukkwanna, kutali mu ziyanza zya inyika. Wa kaboola mu nguzu zya Muuya.

<sup>118</sup> Eyo nje nzila Ijwi lya Leza mbo liboola. Kutali mu kayanza kabuzumini kakabunga, kutali mu cintucimwi cikompeme mu

cikambaukilo; pele Lila boola mu nguzu zya Muuya, ku tondeeyza Leza ku cisi a ku bantu. Cili andeene. Obo mbo ciindene kapat!

<sup>119</sup> Lino, eci camvwisy, kuluba ciindi cilamfu cakainda, kuti Leza ulakonzya ku mabwe kubusya basinsimi beni. Tiiba kajisi... Kabunga kabo tiiba keelede kubusya musinsimi wini, nkaambo antela tii kakakonzya kucicita. Nkaambo, ikuti na uyooba, uyooba musinsimi wakabunga.

<sup>120</sup> Pele, Leza alabusya! Leza ula bweza eco Nca yanda. Ula bweza citako, kanji, kucita mulimo Wakwe; tondezya kuti Ngu Leza. Ii muntu uli tukumuna koonse, alimwi ulayeeya kuti ngu cintu cimwi, mpawo Leza takonzyi ku mubelesya, nkaambo kuli kunji loko kwa lwakwe.

<sup>121</sup> Eelyo nde penzi ku mbungano ya Bunakristo sunu. Ba yeeya kuti bazi cintucimwi. I Bbaibbele lilaamba, "Cindi muntu ayeeya kuti ulizi cintucimwi, tazi cintu eco nca elede kuziba." I penzi sunu, tu jisi kunji loko kwa kulyanda, kuupaupa kunji loko, lwiiyo lunji loko, a kutaziba cintu kujatikizya lufutuko lwa Ijwi lya Leza. Eco ncibeela cuusisya nsoni ca ncico. Iiyi.

<sup>122</sup> Ba kali lubide, kuti, "Leza wakali kukonzya ku mabwe aya kubusya bana kuli Abrahamu, na kubusya basinsimi beni iba Ijwi."

<sup>123</sup> Ta beeledede kuzwa ku cikolo cimwi. Leza ula bapa kwiyya kwabo. Ta beeledede kuba a madigri one mu kkolegi. Ta beeledede kuba a Digrii lyabo lya Arti, a—a Digrii lya Bwiiyi, azimwi zimbi. Ta beeledede kuba a ceeco. Leza ulabweza kufumbwa cintu Nca yanda, a kubikka Ijwi Lyakwe muli ncico. Mbobuti Mbwa cicita? Ula Ci yubulula a ku Ci tondezya.

<sup>124</sup> Tiiba kakonzya kwaamba eyo seminari Jesu nkwa kazwa. Ta kajisi neiba yomwe. "Ino ncikolo nzi Nkwa zwida?" Ta kajisi cimwi. Pele ino Wa kajisi nzi? Wa kajisi Leza, alimwi Wa kali Ijwi. Tiiba kakonzya kutondeka kusule ku cikolo cimwi.

<sup>125</sup> Elyo Leza taakwe nakabusya muntu kuzwa ku cikolo. Tobezya mu makani aakale a kuziba awo Mpa kasola kucita. Ta citi. Walo ubweza cintucimwi kuzwa kubusena bumwi bumbi, eco tacikwe cintu, kunyina bulangizi kuli ncico. Mpawo Ula leta eco mukati a kubikka Ijwi Lyakwe muli ncico, a kulyubulula Mwini. Nce ncico Nca kali kucita awa muli Amosi. Yaa.

<sup>126</sup> Lino, Ijwi lya Amosi lya kasimpikiziga aa Leza, mu buzuba, mu mazuba abo eni. Ii vini... Leza waka simpikizya Ijwi lya Amosi kuba, kuti mbwa kabede, kajisi Ijwi lya Mwami.

<sup>127</sup> Elyo ikuti na inga wa boola kuli ndiswe, ndyoonya lino, sena muyeeya kuti cisi cesu a bantu besu inga batambula muntu mbuli oyo? [Mbunga yaamba, "Peepe."—Mul.] Sena muyeeya kuti ba Baptisti inga bayo tambula Amosi? ["Peepe."] Ya Methodisti? ["Peepe."] Iya Presbyteria? ["Peepe."] Iba Pentekoste? ["Peepe."]

Iba Katolika? [“Peepe.”] Peepe, munene. Peepe. Ta kakonzya ncobeni.

<sup>128</sup> Atu, kwa kaindi buyo kaniini, kumu lonzya a kumuleta awa, aniini buyo, a kuziba ikuti na inga bacita na pe. Atu bone buyo na inga wacita . . . naa mambungano esu inga a mutambula sunu na pe.

<sup>129</sup> I cintu citaanzi ncanga wa cita, inga ta zuminana a kabunga koonse, nkaambo kaliimpene ku Ijwi. Um-hum, uh-huh, iyi, munene. Inga na katapatila bubambe bwesu boonse. Mbo mbubo. Njiisyo zyoonse, tuyanza toonse twabuzumini, tubungwe toonse, inga na katapatila cintu coonse.

Nda yeeyela buyo, Nda konzya kubona bamwi aba baalu ba Pentekoste kabaamba, “Baa, bulemu kuli Leza! Ikuti na wa . . . Baa, ni twa takaba a muntu oyo mu dolopo lyesu.”

<sup>130</sup> Elyo ino muyeeya nzi ba Presbyteria a Baptisti ncoba kalino cita? “Baa, oyo diintiyo, ta tumuyandi ku cisi cesu coonse. Tali cintu pele ii—ii mizeezo iigambya.” Bayo saina pepa lya kumu bikka mu ntolongo, ikuti na bala konzya, kumu gusya mu tugwagua.

<sup>131</sup> Pele muyeeya kuti inga mwamu kkazika okuya? Oh, peepe. To konzyi kuvumbya Ijwi lya Leza. Peepe, peepe. Ciyo yutuka, nekuba. Mingwala ya ntolongo yakajuka busiku bumwi, cindi niba kasola ku Ci vuba. Ii Mumuni waka njila a kumuvuna kuzwa.

<sup>132</sup> Peepe, inga—inga ta zuminana ncobeni a bubambe bwesu. Yaa. Ino inga watalika kucita nzi? Ku bumwaila ansi. Nkaambonzi? Walo mulanda wa Leza. Wa kali kuunka cigaminina ku Ntalisylo a kutalika muswaangano wakwe wanguzu, kujokela nkoonya kusule, a kumwayaula kayanza kabuzumini koonse kuzwa kuli njiyo, a kujokela ku Ntalisylo. Ino Ntalisylo ninzi? Aa Ijwi lya Leza. Nconzyo. “Majulu a nyika ziyo loba, pele Majwi Angu takaciti.” Aboobo wa kali kunga wamwaya kabungwe koonse, tuyanza toonse twabuzumini, njiisyo yoonse, kuzwa kuli njiyo, a kwisowela mu mabali, na kacitapatila mu Butamani.

<sup>133</sup> Muyeeya kuti ba Pentekoste inga bamu tambula? Peepe, munene. Baptisti? Presbyteria? Peepe, munene. Ba Nazareni? Pilgrim Holiness? Inga bamusula. Cilimasimpe. Muyeeya kuti inga baunka kubusena a kumuswaana mu i—i mootokala uudula maningi wabupaale, a kumuleta mu dolopo? Niba kakombala zuba kuti kali muumpa kutala okuya. Niba kabamba cinsinkila, ku mukasya munjila mu tauni. Baa, inga kwaba miswaangano minji ya bakutausi koonse, ku dolopo lyoonse, ndo kasola kubona mu buumi bwako. “Amugwisye oyo simizeezo igambya mu munzi oyu.”

<sup>134</sup> Pele, nekubaboobo, wa kajisi MBUBOOBU MBWAAMBA I MWAMI. Mwabona? Eyo nje nzila ya musinsimi wakasimpe.

Naka sampaulwa. Cilimasimpe. Uyo unka kugama ku Ntalisyo, ku miswaangano yakwe yanguzu. Na taka yanda. Na takamba kuti, "Lino, Ndi yanda nyoonse noba Methodisti kunjila lino a kundi gwasya. Ndi yanda ndinywe noba Baptisti. Ndi yanda ndinywe nyoonse no bantu beengelede awa. Nyoonse noba Pentekoste, mutaminina kuti muli nkamu yamamanino eyo Leza njayo ita, Ndi yanda kuti nyoonse muboole kuli ndime, elyo Ndi yanda kuti mugwasye miswaangano yangu yanguzu."

<sup>135</sup> "Mbobuti mbo batapizya? Ino ncini citondezyo citaanzi ca Muuya Usalala?" Eyo mibuzyo, niya kawaalwa ku busyu bwakwe. Elyo cindi na kapiluka a Bwini bwa Bbaibbele, niba kamukaka. Pele eyo nje nzila ya musinsimi wakasimpe. Uli jisi zyoonse ezyo zya kulanganya. Mwabona? Nincobeni.

<sup>136</sup> Ni twa taka mutambula. Peepe, munene. Besu—besu... Ni twa takaba a omwe. Inga tee twaba a miswaangano yakwe yanguzu koonse ku cisi cesu—cesu. Peepe, nconzyo. Ee, inga tii twa mutambula. Peepe, munene. Pele uyo boola a kujosya Mbungano ku Ijwi, nkambo Eyo ni Ntalisyo. "Kufumbwa muntu uyaka aa ntalisyo imbi, walo musenga uubbila. Aa ntalisyo *eyi* luzutu, Leza ulayaka Mbungano Yakwe, aa Njiisyo ya baapostolo."

<sup>137</sup> Mbuli Mbwe kali kwaamba buzuba bumwi; muntu umwi kaambaula kujatikizya—kujatikizya busena bwakusalazizya myuuya yabafu, a kupa kutondeka kunji mbuli Musalali Francis a Musalali Cecilia, elyo waa kali kukombela bantu bamwi, a kuzwa mu busena bwa kusalazizya myuuya yabafu, a kupa beendelezi bali boobo. Obo tabuli bwami bwa lugwalo. Balo mbantu bajisi bwami. I baapostolo baka jisi bwami bwa Lugwalo. Elyo ikuti na buliimpene kuli mbabo, mbubeji, kuciimo mbuli Mbwe langanya.

<sup>138</sup> Nda syoma mu ciimo ca kusalazizya, pele Nda syoma buli eno. Ko salazya buntu bwako. *Ciimo* ca kusalazizya myuuya caamba "ku salazya." Cindi wabona kuti wacita cintucimwi cilubide, koya kokuya a ku cisalazya kuzwa kuli nduwe, kwiinda ku kulyaambilila, a kulila, a kuliimya kulya, a kukomba.

<sup>139</sup> Umwi waka ndiseka akwalo cindi Mwami nakasika okuno kutali ciindi cilamfu cakainda a kundipa cilengaano. Nda kali kuyanda lyoonse kubona makani a kwaanga nzoka eyo. Nda kalibusya lyoonse nzila yakucita. Nde elede kutaamuka mbuli obo. Cindi, nce ncico Nce kali kuyanda, buumi bwangu boonse. Mpawo Nda katalika kulii mya kulya a kukomba. Kati, "Ncinzi nco kacitila ceeco?"

<sup>140</sup> Nda kati, "Omuya mukati, Wa kati Nse sinizizye kwini." Na kamana kusika, mpawo Nda kali kuyanda kulisalazya lwangu. Kutali kulindila mane wafwa, a kulekela mupaizi umwi kusola ku musalazya. Salazya buntu bwako!

<sup>141</sup> Pele, mwabona, ba kacigusya kuzwa ku Ijwi lya bwami, a ku cibikka omuya mu maanza aa kayanza kabukombi kakapangwa aa muntu, kuleta mali mu mbungano, nkaambo balanga zintu zyanyika, mbungano yanyika, inguzu zipati mu inyika, inguzu zyatunzenyu. Pele Leza ulalanga ku Ijwi Lyakwe. Alimwi kufumbwa ijwi eelyo liimpene ku Ijwi lya Leza lili lubide. Kuciimo mbuli Mbwe langanya, ndi Ijwi na cintu. Iiyi, munene. Iiyi, munene.

<sup>142</sup> Wa kali kuunka cigaminina ku Ntalisyo. Na kacizapaula cintu kuba tubeela. Na ka cicita. Ta kakonzya kucita cintu cimbi, ikuti na Amosi wali waano sunu. Ta kakonzya kucita cintu cimbi, nkambo, amuyeeye, walo musinsimi wakasimpe wa Leza, oyo Ijwi nkoli boola. Ta kakonzya kucita cintu cimbi pele kujokela ku Ijwi. Takukwe makani na boonse ba Pentekoste mu cisi bakabunganina nguwe, bakati, "Munene, Amosi, tula kusyoma kuti uli musinsimi, pele wazwa ku Ijwi. Tu yanda ku koolola." Inga wakkala a Ijwi. Taakwe cintu cimbi nca konzya kucita, nkaambo musinsimi. Ta kali kuyandikana kubelekela antoomwe kwabo. Uli jisi Mulumbe wa kupa. "Elyo boonse Taata mbaka Ndi pa bayo boola kuli Ndime." Elyo uyo kambauka Ijwi, alimwi uyo Li kambauka mbubonya mbuli Mbo lyeelede kuba mu Bbaibbele, elyo nkikaako ni twa mukaka. Mbo mbubo.

<sup>143</sup> Takukwe makani obo Mbo cinga caba, Ijwi lya Leza liboola ku basinsimi, bupanduluzi bwabo bwa Ijwi, bupanduluzi bululeme.

<sup>144</sup> Israyeli lyoonse yakazwa mu bweende, nkabela Leza waka batumina musinsimi ujisi zitondezyo a zigambyo, ku kupandulula Ijwi eelyo. Elyo mbobuti mbwa kaziba? Wa kat, "Ikuti na oyu musinsimi wakanana, nkabela ca citika, mpawo mbo mbubo." Wa simpikizya basinsimi Bakwe, kuti bakali luleme.

<sup>145</sup> Jesu wakati, "Oyo usyoma Ndime, milimo eyo Nje cita uyo icita awalo. Eyi moyo ziba. Ezi zitondezyo ziyo batobelabo abo basyoma."

<sup>146</sup> Elyo mbobuti mbo bakonzya kutaminina kuba musinsimi wa Mwami a kukaka Ijwi lya Leza ndilyonya? Mbobuti muntu mbwa konzya kubapatizya mu zina lya "Taata, Mwana, a Muuya Uusalala," alo mabande, a kukaka Zina ndilyonya lya Jesu Kristo, kakuli kwiina Lugwalo mu Bbaibbele lwa kugwasya lwiiyo lwabo lwabukombi? Inga ndaba tuyumu a sikukazya, pele nciindi cakujana nzila eyo. Bwalo Mbwini.

<sup>147</sup> Mbobuti bantu mbo bakonzya kulitaminina beni kuba Banakristo sunu, a kuzuzila zintuzyonse okuno, a banakazi masusu ageledwe, a kusama zigonkolole, a kufweba misanga yatombwe, a kuzuzaana ku zipekupeku, musyobo uli oonse wa kutondezya kwa kaindi, a kulilemeka bumwi? Amu ndaambile oyo Muuya Uusalala? Muta ndaambili eco. Nywebo, mubamba

Leza kuciswa mwida Lyakwe, ikuti na kwakali cintu cili boobo cakali kukonzeka kucitwa. Inzya. Ndili masimpe mula mvwisya. Ko liita lwako, mbuli obo, mbobuti mbo kukonzya kuba cintu cili boobo? "Kwiinda ku micelo yabo bala zibwa."

<sup>148</sup> Inga na kabbotola a kutapatila banakazi boonse bageledwe masusu. Mbobuti mbwa konzya kucita cintu cili coonse cimbi? Walo musinsimi. Alimwi eelyo ndi Ijwi. Na kali kunga wati, "Nywebo, naba Jezebele!" Wa kali kunoba nyemena. Nkaambonzi? Walo musinsimi. Na kakkala a Ijwi. Mbo mbubo. Muyeeya kuti inga baima? Peepe, munene. Ba kali kunga batì, "Ngu sikwiindilizya. Ngo mupati buyo mbuli Paulo oyo mudaala mbwa kabede, mu Bbaibbele, sikusulaika banakazi."

<sup>149</sup> "Nywebo, nkamu ya basikulicengezya, bategwa Banakristo. Takukwe makani mbo sola kupona cakusalala, eco tacikwe cintu comwe cakucita a ncico. Kufumbwa kuti wakaka Ijwi lya Leza a kuta yanda kweendelana kuli Ndilyo, nduwe sizibi, a sikutasyoma," nce ncico nca kalino amba. Ta kali kunga... Bikka, wa kali kunga walazika kaleba nkoonya ku tuyanda wa cisamu. Ta kali kukonzya kwaangulula cintu. Walo musinsimi, alimwi eyo nje nzila ya musinsimi wakasimpe. Inga bakkala a Ijwi eelyo kakutakwe kulanganya na nguni. Ikuti na mbanyina na bawisi, tabambi lwandaano. Jesu wakacita. Na taka konzya akwalo kumwiita kuti baama; ta kali obo. Wa kali Leza. Leza tajisi banyina. Inga bacita, mpawo nguni wisi Wakwe? Uh huh, uh huh.

<sup>150</sup> Na katapatila akubapa milandu. Inga na katapatila kabungwe koonse, nkaambo kwiina umwi wabo wakayaka aa Ijwi. Nse konzyi kujana umwi wabo. Elyo mbo bakabeda buyo kabungwe, ba lwana Ijwi mpoonya awo. Aboobo mbobuti i... i musinsimi alongezye eco Ijwi ncoli sampaula? Nekubaboobo, ta yandi kucicita, kucisa munyina, pele nekubaboobo weelede kucicita nkaambo musinsimi. Alimwi walo nciiminizyo ca Ijwi lya Leza lya bwini, alimwi tazwi kuli Ndilyo, mu nzila iili yoonse; mulao aa mulao, a kabala mu nzila. Mwabona Nce pandulula? I nzila ya musinsimi wakasimpe.

<sup>151</sup> Mbangaye batì, "Mwami, Ndi lombozya kuti Uyo ndibamba kuba musinsimi"? Ta citi ceeco. Peepe. Ta citi ceeco.

<sup>152</sup> Uyo tapatila micto yoonse ya mambungano, aya maparti akubbidilana a zyonse ezyo nzyoba jisi, marpati a njuka, zilalilo zya misinza. Inga na katapatila umwi aumwi wabo. Inga na kababwekela mu gehena omo moba kazwida.

<sup>153</sup> Muyeeya kuti inga mwa mutambula? Peepe. I mbungano sunu inga tiya mutambula. Pentekoste ila mutambula? Ee, inga weenda mukati myua, kwaamba, "Nywebo no cikama ca ba Jezebele ca masusu, sena tamuzi eco MBUBOOBU MBWA AMBA I MWAMI nco caamba? Kweenda awa a kasamide dresi niini lijata kutondezya lukanda, sena tozi kuti ujisi mulandu

wakucita mamambi mazuba oonse a myaanda ya bantu?” Nce ncico nca kalino amba.

<sup>154</sup> Yebo wati, “Ee, oyo muntu mudaala wa mizeeo igambya! I mulombwana mudaala wa lubala aa mutwe, kajisi mvwi, amu mugwisye ku cikambaukilo eco. Atu mubone, bboodi ya basyomesi, bamadaikona, amu mugusye awa.”

<sup>155</sup> “Ee, nywebo no nkamu ya basikuupupaupa basampukide.” Ncibotu. Amosi inga wa ciita kuzwa. Mpawo kuliita lwako kuti, “Tu li... Tu zulilwa ku nkamu *eyi*. Tu zulilwa ku nkamu *eyo*.” Uli wa dyabulosi, uso wanu, nkambo ngo nguwe uukaka Ijwi.

<sup>156</sup> Kwaamba, “Nda kaambaula mu myaambo.” Elyo mpawo kugela masusu ako? “Bulemu kuli Leza! Aleluya!” Alimwi Bbaibble lyakati, “Ta ii—ta cili cintu ceelela—ceelela, ku mwanakazi kupaila kageledwe obo ku mutwe.” Mpawo koliita lwako kuba Munakristo. Mause kuli nduwe. Kuyavula mu kkona kubusena bumwi, ku lulama a Leza.

<sup>157</sup> Kusama zisani zifwaafwi zyakaindi ziniini, a kuzwa awa mu lubuwa, a kulyoolola lwako, kakuli ulizi kabotu akweelede kuti ucita mamambi a baalumu bali mwaanda abuzuba. Kati, Jesu wakaamba booboo, “Kufumbwa muntu uulanga mwanakazi caku musukama wacita kale bumambi a nguwe.” Waa kali umwi wakalitondezya mwini, nkabela waka cicita muli lwako...

<sup>158</sup> Oko, yebo, uli fwide ku zintu zya inyika. Wa kabuka kuzwa kuli ceeco, mbuli Mbwe kaamba, matalikilo. “Yebo inga wanyona mutwe wako mu mause. Meso aanu akasuumana aa cintu cibyaabi loko ca cibi, mu busena bwa kulanga ku banakazi kubasukamina. Nywebo nobaalumi nomucita cintu mbuli ceeco a kuliita lwanu kuti Mbanakristo.” Nce ncico nca mwaambila. Ndi sola kubweza Majwi akwe cifumo cino. Inga aba Majwi akwe. Nkambo, walo, amuyeeye, walo musinsimi wakasimpe. Na kakkala a Ijwi eelyo. Uh huh. Ndi balulula buyo Majwi akwe. Kwa mana. Nkaambo, ikuti na wa muleta, walo ndi Ijwi. Mpawo, ndeeli Ijwi, Lini. Ndiza inga taaba a muntu, pele uli jisi Ijwi lyakwe, nkaambo inga unojisi Ijwi lya Mwami.

<sup>159</sup> Yoonse njisyo yakabambwa aabantu, inga na kaipa mulandu, mbuli lubbizyo “mu zina lya Taata, Mwana, Muuya Uusalala.” Wa kali kunga wasowa cintu eco kulaale kujoka mu Butamani. Wa kali kunga wa citapatila, aboobo kwakanyima kununka kwa ncico kwakazwa. Iiyi, munene.

<sup>160</sup> Mbangaye, nywebo, mbangaye mu mbungano cifumo cino banga bamutambula aali eco?

<sup>161</sup> Mpawo balo, nkamu eyi yabna Jesus Name, bakali kunga—bakali kunga bati, “Oh, twa kali kunga ndamutola aali eco.” Elyo mpawo kabunga kanu, na kakatapatila ncobeni a ncico. Mbo mbubo. Banakazi banu bageledwe ku mitwe, elyo mula cizumizya. Mbo mbubo. Bamaalumi banu, nzila nji bacita akulilemeka. Mbo mbubo.

<sup>162</sup> Ii bantu banji balati, “Ncibotu kuba musinsimi.” Mbo cibede, ikuti na muli libambilide kusambala zintu zyoonse ku nyika a kukkanala a Leza a Ijwi Lyakwe. Hmm.

<sup>163</sup> Peepe, inga tii twa mutambula munzila iili yoonse, tubungwe twesu sunu. Ni twa takaba a cintu cakucita a nguwe ncobeni.

<sup>164</sup> Amuswiilile kuli nguwe ka cibbotola. Wa kati, “I Leza nguonya ngo mutaminina kusyoma mo, Uyo munyonyoona.” Ino uyo citanzi kujatikizya ceeco? I Leza nguonya oyo Pentekoste ngwa syoma, kuzwa ku micto njiyonya yabwaamu a zintu nzo bali mukucita a kuzumizya kucitwa, kuti nguonya Leza uyo leta lubeta aa tubunga. Mbo mbubo. Mbubonya eco Amosi nca kabaambila.

<sup>165</sup> “Oh,” ba kati, “tuli jisi Abrahamu. Tuli jisi—tuli jisi *eci*. Tuli jisi mulao. Tuli jisi bapaizi. Tuli jisi basinsimi.”

<sup>166</sup> Oh, mukwesu, alo meso akasuumana mbuli mbwa kabalanga, a kupasaula Ijwi eelyo muli mbabo. Iiyi, munene. Masimpe. Niba taka mutambula. Peepe, munene. Wa kati, “Bayo banyonyoona a njisyo zyanu zyakapangwa aamuntu.” Nce ncico ncayo mwaambila sunu. Wa kali kunga waamba mbubonya mbwa kacita kaindi. Wa kati, “I Leza nguwenya oyo ngo yaka mambungano, antela ulabba dela madollar ali mamilioni, ngaonya malende nge muyakila Jehova, oyo ngo mutaminina kuti mula yanda, oyo nguwenya Leza uyo munyonyoona nkaambo mula kaka Ijwi Lyakwe.”

<sup>167</sup> Mbo cibede asunu! I Leza nguwenya oyo America ngo itaminina kubelekela uyo leta lubeta aa cisi a ku cinyonyoona. Ndila syoma eco casakana loko cakuti tamu kakonzyi kuyongosana kuzwa muli ncico. I Umwi nguonya ngo mutaminina kuti mula yanda, alimwi a tuyanza twanu twa buzumini twakapangwa aa bantu, a buumi bwa bwaamu a kubija oko nko jisi muli nduwe, kuzwa ku Ijwi lya Leza, kuyo munyonyoona buzuba bumwi. Oyo ngu MBUBOOBU MBWAAMBA I MWAMI. Taakwe cintu cimbi cisyeede kuli mbabo.

<sup>168</sup> Kweendelana a Ijwi! Amu kambauke Makanimabotu kuli mbabo; kulanduka cisi; amu baambile Bwini. I bakutausi bala kwankwana a kukwiila, a kulilemeka bumwi. I bantu bala tapatila. I tubunga tula mutanda. I banakazi bala zungaanya mitwe yabo, nkabela taba lekeli masusu abo kulampa cakuyandila, kutaba cintu. Kusama zisani zyabo mbubonya buyo ncobeni, mwaka a mwaka. Mboli kutila maanzi kusule lya dakisi. “Mpawo utaminina kuti ula muyanda Leza?”

<sup>169</sup> Wa kati, Jesu wakati, “Mwa kabweza tunsiyansiya twanu a kubamba Milao ya Leza kubula nguzu.”

<sup>170</sup> Eyo nje nzila ya musinsimi wakasimpe. Mwabona? Taili nzila nteteete. Tacili eco bantu boonse ncoba yeeya kuti inga caba.

<sup>171</sup> Kusotoka mujulu aansi a kukwiila, bantu boonse kaba kuumaua aa ciwezo, mpawo eco nce citondezyo cakuti toli musinsimi wakasimpe. Eco ncimwi ca zitondezyo nzyoonya kuti tojisi eco nco kanana.

<sup>172</sup> Ndelili niba kasola kumuuma uma kusule, cita kuti baka jisi kaleba kakukwenga? Inzi? Wa kali kunyona a kubapa mulandu. Nconzyo. Takali kukonzya kuumaua Amosi kusule. Tiiba kakonzya kuumaua Eliya kusule. Ta kaiminina zintu ezyo. Peepe, munene. Wa kabaambila Bwini bwa Leza. Eyo ikuti na Julu ndipati maningi, alimwi oko nko tuya, mpawo ikuti na ta tukonzyi kweendelana a zintu ziniini loko, mbobuti mbo tuyu swaangana a Muuya Okuya? Beelede kweendelana a Ijwi. Eyo nje nzila ya musinsimi wakasimpe. Nekubakuti cila kuzapaula mu tubeela, ku Ca amba, inzya, we elede kuzapaula cisi, a Ncico. Mbo mbubo. Pele eyo nje nzila.

<sup>173</sup> Na ka cibbotola. Oh, ma! Mulizi eco nca kabaambila? “I lupyopyongano,” ikuti na mwalangisya awa, wa kati, “tacili mu mfulumende yanu, cili muli nduwe.” Nce ncico nca kaamba. Inzya. “Lupyopyongano mu mbungano, ciwa cako ca bukombi, eco nce caka pesya penzi.”

<sup>174</sup> I kaambo kkomunizimu ilimu kufumpa cisi sunu, takuli kuti ca kkomunizimu. Nku kaambo ka mbungano. Ngu kaambo ka bantu. Sunu baliita kuti Munakristo lwabo. Ba laimba mbuli Baangelo. Majwi akayiisigwa, a kukanana kuli kabotu oko mbuli kuti bakali ba Angelo silutwe; a kutasyoma Ijwi lya Leza, mbuli madaimona. Mbo mbubo. Kwiimba mbuli Angelomupati, kusama mbuli Mbwe ntazi cintu, a kukaka Ijwi lya Leza.

<sup>175</sup> Ii mwaalumi, mukambausi mu cikambaukilo, oyo uyoima awo a kwiitwa kuti Mwiyi, Mufundisi, a kumubuzya, “Sena Bbaibbele lya kaamba lubbizyo mu ‘Zina lya Mwami Jesu Kristo,’ na, ‘Taata, Mwana, a Muuya Uusalala?’” Eyo uyo seká mu busyu bwako a kubweza, “Taata, Mwana, Muuya Uusalala.” Mpawo koliiita lwako kuba mwana wa Leza?

<sup>176</sup> Banakazi mukuziba kuti Bbaibbele lilabapa mulandu kucita zintu zimwi, a kugela masusu abo, a kulilemeka mbuli inyika, a kusama zisani zyabwaamu a zintu mbuli zeezyo, nkabela bala zumanana kucicita, nekuba; a kukanana mu myaambo, a kusotoka mujulu aansi, a koongolola, a kuba a nsangano zya balindu bakaindi, a nkamu zya kusuma, a kutuma mamissionari ku masena aa mulimo. Ca kaba cinunka mu busyu bwa Leza. Eyo, MBUBOOBU MBWAAMBA I MWAMI, Uyo nyonyoona cintu coonse. Uyo cita.

<sup>177</sup> Tacili cintu citete, pele eyo nje nzila ya musinsimi wakasimpe. Ku Lyo ompolola alya, a ku Lya amba naa Lya cisa nape.

<sup>178</sup> Johane wakali musinsimi wakasimpe. Wa kati, “I keembe kali bikkidwe ku muyanda wa cisamu.” Eyo nje nzila yabo. Masimpe.

<sup>179</sup> I penzi lili muli nguwe. Kwiimba mbuli Baangelo, kuzyana mbuli madaimona awa, kazyana, kulilemeka bumwi, kuuma njuka, mikondo ya mizundanino. Ba Pentekoste, kabainka ku masena akulibotelezya, mafilimu kazwida mabbunga abo. Masena oonse, kufumbwa musyobo wa musobano wakaindi na kufumbwa cintu cimbi, a kuunka nkoonya kunselelo kuya, a mikowa a zintu zyoonse zimbi, a kuliita lwabo kuti Mbanakristo, a kuya kutala a koongolola, a kukanana mu myaambo, a kucita kusanzanya matende a mugalilo.

<sup>180</sup> Baa, cili—cili, “Mbuli mubwa mbwaunka ku malusi akwe,” musinsimi wa kati, “mbubonya bala cita.” Ikuti na cintu eco cakali ca inyika, kacita kutandwa kuzwa kuli nduwe, nkaambonzi nco jokela kuli ncico alubo? Mbubo. Okuya mu tugwagwa, kulibbwayaaula, ba ciita kuti, masusu a cizyano cakuliyuumba buniini, kugela masusu, kusama zigonkolole. Oh, ma! Kuliita lwabo kuti Mbanakristo. Sa inga . . . Peepe, ncibotu Nse ciita.

<sup>181</sup> Ako nke kaambo Nda batapatila. Ikuti na Ndiyo kkala a Ijwi eli, ikuti na eli Ijwi liboola kuli ndime, Ndiyo kkala a Ijwi eli. Eci nce ciboola kuli ndime, Ijwi. Ku citapatila!

<sup>182</sup> Kutaminina kusololelwa aa Muuya Uusalala, a kucita zintu zili boobo. Sa inga mwayeeyela mwanakazi, mu kusololelwa aa Muuya Uusalala, a kulekela masusu aakwe akagelwa, kakuli nguwenya Muuya Uusalala ula cilwana? Mpawo musyobo nzi wa Muntu waciimo ca Muuya Uusalala? Sa inga mwayeeyela?

<sup>183</sup> Sa inga mwayeeyela mukambausi waima mu cikambaukilo, alimwi kufumbwa muntu ula muzundikizya kumu tondezya busena bomwe muntu uli onse mpa kasola kubbizigwa kubelesya mabande aa “Taata, Mwana, a Muuya Uusalala,” a kuseka mu busyu bwako a ku kwiita kuti uli sikwiindilizya, kwiinda ku kubapatizya mu Zina lya Jesu Kristo, a kwaamba kuti usololelwa aa Muuya, a kwaamba kuti ujisi Muuya Uusalala? Sa Muuya Uusalala inga wakaka Ijwi Lyakwe Mwini? Peepe, munene. Uh-huh. Sena mwabona? Nda syoma mwa cimvwa.

<sup>184</sup> Ta ndizi ciindi mbo cili cinji. I guwo litobela inga lya ndibweza. Pele, kusikila wacita, Ndiyo imikila mpoonya alya a Ijwi. Cindi Nda kukuswaana kulaale ku Lubeta, Ndiyo imikila ncobeni kwiinda ku Ijwi eelyo. Obo Mbwe syoma kuba Bwini.

<sup>185</sup> Peepe, to citi zintu mbuli ezyo, elyo mpawo uli jisi Muuya Uusalala. Kainka ku mukaintu wa mukutausi ciindi cimwi, kakkede kutala kuya kasamide dressi, cakali kuboneka kuyoosya.

Yebo wati, “Yebo to jisi nguzu.”

<sup>186</sup> Ndi jisi nguzu. Eelyo ndi Ijwi. Amu Li kambauke lyoonse. Mula zyeenguluka zintu ezyo, bunji bwa bakambausi bakompeme bakandu, nkaambo taba jisi ica-... Ndiza tona kwiipta akwalo kukambauka, mu busena butaanzi. Inzya. Pele mulanda wini wa Leza uyo kkala ncobeni a Ijwi eelyo. Ncibotu.

<sup>187</sup> Mukaintu wa mukutausi kakkede awo, wakanyongana koonse mu dressi, a macoco kaalengelela, akulipenta, a masusu mafwaafwi akagelwa. Kakuli, Leza ula sampauala cintu coonse kuba busofwi. Elyo mpawo kwaamba kuti ujisi Muuya Uusalala?

<sup>188</sup> Nda kali kukambauka okuno mu Phoenix, kutali ciindi cilamfu cainda, aa cintucimwi mbuli ceeco, a mukaintu wa mukutausi kakkede a cikambaukilo, kajisi ayo masusu kageledwe mbuli musankwa onse kanyonedwe, alimwi kasamide dresii ndya takali kukonzya nokuba kusisa musinsi wakunsi kuta mweka. Ta ka kukonzya kufugama. Kutandila mainci ali one na osanwe aatala lya mazwi akwe, kakkede atala alya; kasotauka koonse akoonse, kusololela mu nyimbo. Nda kacitapatila canguzu mbuli Mbwe kakonzya. Mubwini, taka nditambi kujoka. Nse langili obo. Pele ulizi eco ciluleme a cilubide. Cindi Nda ima ku Lubeta, tacili mu maanza angu limbi. Mpawo koleya a kwaamba...

<sup>189</sup> Ii muntu, mwiiyi wakaitwa obo, eco Nce taambi pele tali booboo, kabamba kwaamba buzuba bumwi, kumbele lya beenzuma bangu bamwi ku dolopo limwi Mwe kabede. Nywebo muli muzi mukwesu. Elyo oyu mukwesu wakanjila. Wa kati, ee, wa kati, "Twa kajisi Mukwesu Branham okuno lomwe." Ii muunzi umwi, elyo kuzwa Kumbo. Elyo oyu muntu wakati, "Oh, Mukwesu Branham muntu uli kabotu." Mwabona? Wa kalizi kabotu kwinda kusowa cintu cili coonse aa ciimo. Kati, "Mukwesu Branham, pele uta swilili ku mateepu akwe, nkaambo bayo kunyonganya."

<sup>190</sup> Elyo mpaawo kwakacitika kuba umwi wa beenzuma bangu kabaimwi alya, kati, "Kwakaindi buyo kaniini, munene! Nda kanyonganisigwa kusikila ni Nda *kamvwa* mateepu." Inzya. Olo ndo lwandaano. "Nse kakonzya kumvwisya obo Leza uusalala mbwa kabikka a zintu mbuli ezyo, mbuli ndinywe nyoonse mbo mucita." Inzya.

<sup>191</sup> Muntu nguwenya, umwi umbi a nguwe, wakaima ku busena bumwi kutali ciindi cilamfu cainda, kati, "Mukwesu Branham walo musinsimi. Ula konzya kutweluka zintu. Elyo zintu mbuli... Pele," kati, "lino, muta kaswiilili ku Njiisyo yakwe, nkaambo ta luzi." I kusondoka, bwaambe bwa nciki mbuli obo!

<sup>192</sup> Sena mulizi kuti na cili ii... Nseli musinsimi. Pele ikuti na Ijwi lya Leza ndya bwini, Li boola ku musinsimi. "I Ijwi lya Mwami lya kaboola ku basinsimi." Ba kali umwi wakapandulula Ijwi. Mpawo, nywebo mwabona, tamu...

<sup>193</sup> Ta cibambi akwalo kuyeeya kubotu, kuyuba kunze lya kabungwe kamwi kapati, bumwi bwa mazuba ayo pasuka a kubumba, a kuloba mu gehena.

<sup>194</sup> Pele Ijwi lya Leza liyo kkalilila kwalyonse. Atala aa Mwaala oyo Mpe kayaka bulangizi bwangu kwalyonse, aa Ijwi lya Mwami. Amuleke zintuzyonse zimbi zibbile. Ikuti na Nda sweekelwa mweenzuma oonse, zintu zyoonse zimbi, mweenzuma wangu uli muli Kristo.

Bulangizi bwangu buyakidwe acintu cita  
 Kunze lya Majwi aa Jesu a bululami;  
 Cindi konse buntu bwangu bwapa nzila,  
 Mpawo Walo mbulangizi bwangu a kukkala  
 koonse.

<sup>195</sup> Cindi ntobolo eyo niya kabbotola buzuba bumwi elyo Nda kabona . . . Nda kayeeya kuti Nda kali fwide. Kajisi kulimvwa kwa luumuno. Nda kalanga koonse. Nda kayeeya, “Ee, eci ncecico.” Ino mbubotu nzi kabungwe ncoka konzya kundi citila mpawo? Ino kabunga inga kandi gwasya nzi mpawo? Nda keelede kwiima kulaale ku mbeta zya Leza zikali, zya kubetekwa kwiinda ku Ijwi *eeli*.

<sup>196</sup> Nekubakuti ndiza Nde elela kuumpa, a kongomana, a kunyona, a kuzapula, bantu banji, pele Ndila ngila kubamba, jana cintu cini camukati kuzwa awo ku Ijwi lya Leza, akuyakila buntu ca Butamani. Mbo mbubo. Amulekele Leza ku cibikka mu maanza Aakwe a ku tuyaka ku mwana uuswiilila.

<sup>197</sup> Mbobuti—mbobuti muntu mbwakonzya, kusololelwaa Muuya Uusalala, kucita cintu cili boobo mbuli eco? Na, mwanakazi ujisi Muuya Uusalala, kucita zintu zili boobo? Peepe. Ula salala. Elyo ikuti na Buumi Bwakwe buli muli nduwe, uli mbubonya. Uyo ba mbuli Nguwe.

<sup>198</sup> I srayeli, mbuli ndiswe, kayeeya nkaambo kakuti bakali kusumpuka antomwe abbelekelaamwi lyabo abamwi, oko kwakali kuzumizya kwa Leza ali ncico. Lino, nywebo mulizi, tula ciyeeya eco asunu.

<sup>199</sup> Nda kaambaula ku bantu bamwi okuno kutali ciindi cilamfu cainda, ku hotela, mazuba masyoonto ainda, bantu bapati mu zyooko zya bukombi. Elyo ba kati kuli ndime, “Leza ulatondezya kuti Uli andiswe. Baa, twa kakomena mwaka wainda, Mukwesu Branham,” Nda luba myaanda yongaye, mbuli boobo.

<sup>200</sup> Nda kati, “Eco tacili cimwi ciindi cisalidwe.” Uh-huh. Mbo mbubo. Buvuule bwakavula, bwakaindil mwaka waindaa, kutandila peseenti ili makumi otatwe; sena eco citondezya kuti Leza wakali a buvuule? [Mbunga yaamba, “Peepe.”—Mul.] Uh-huh. Uh-huh. Uh-huh. Masimpe. Huh! Eyo nkazyanyo tai gwasyi. Peepe. To konzyi kucicita. Peepe, munene. Leza ulaima a Ijwi Lyakwe. Kufumbwa muntu umbi uya kwiima a Ijwi Lyakwe, ikuti na ula syomeka. Yaa.

<sup>201</sup> Ba kayeeya, nkaambo ba kajisi bbelekelaaamwi! Lino, awa, tula njila, asyoonto buyo, aa makani aa mfulumende. Cisi cesu cakaka Ijwi lya Leza, mbuli buyo Israyeli mboya kacita. Ba kakaka Ijwi lya Leza, a bantu babo, bapaizi babo, a basinsimi, abamwi bambi, basinsima kabotu kuli mbabo. Elyo ba... Ino inga twacita nzi cita kusinsima cilubide, nkaambo ciliimpene ku Ijwi! Cili nyonyookede. “Cisi cesu, cipati ciyandwa, cili aa i... luzibo lwesu lwa basikale besu.” Mpawo jokela kuli ceeco ncoba kajisi. Uh-huh. Mbubo. Masimpe.

<sup>202</sup> Israyeli yakali cisi cipati. Amulange bensiku babo, pele Leza taka bavuna. Oyo musinsimi mudaala ujisi lubala wakali kuwaala Ijwi kuli mbabo, nkabela caka citika mbubonya buyo mbwa kaamba. Amubale makani aka aakale awa a kuziba ikuti na ta ciluleme. Ca kacitika mbubonya buyo nzila mbwa ka caamba. Elyo waka batapatila, kakuli, balo kabaimvwi alya, a bapaizi basalala kaba samide zikobela zisalala, kusansaila *ceeci*; alimwi tiiba kali kunga babamba janza, nzila *eyi* na nzila *eyo*, nkaambo cakali cintu cimwi mu nzila *eyi*, kansiyansiya na cintu cimwi.

<sup>203</sup> Jesu wakati, “Muli bauso wanu, dyabulosi, a milimo yakwe myuo icita.” Baka Mu bweza a ku Mu pa mulandu, a ku Mwa anzika aa cisamu, a ku Mu jaya. Mbombubo ncobeni. Leza waka Mu busya alimwi. Iiyi, munene.

<sup>204</sup> Peepe, tiiba kacita. Ni twa taka syoma Amosi sunu, pee. Elyo sunu twa bamba bbelekelaaamwi. Tu jisi eco neco twiita sunu... Tu yeeya nku “nkuzumizya” kwa Leza, nkaambo tubunga twesu tuyu buvula a—a zintuzyonse zili mu kweenda mu nzila mbo cibede. Tu yeeya kuti oko “nkuzumizya” kwa Leza ali ncico. Nywebo mulizi, baka kamantana, Nda syoma, kutandila ba Protestantni bambi bali mamilioni obile na otatwe. Elyo bana Katolika bakeenda kutandila bali mamilioni manji. Mwabona? Ba yeeya kuti oko nkuzumizigwa kwa Leza, kwiinda kuli mbabo kuba Katolika. Ba protestanti bayeeya kuti nkuzumizigwa kwa Leza, balo mukuba ba Protestantni. Huh! Mbu fubafuba. Ncisanizyo ca mu nkondo. Ndi itwe lya atomiki. Mbukali bwa Leza kabu yakwa, ku bbotoka. Mbo mbubo ncobeni.

Amu ndisiwilile. Ndiyo mwaambila Ijwi lya Mwami. Ameni.

<sup>205</sup> Amu tulange. Amulange inyika sunu. Amulange cisi cesu. Tuli swaangene a U.N. Ncinzi cili muli njijo? Li cikama ca babi. Elyo swebo, a camba akwalo kuta lekela mupailo kutuulwa kumbele lya kubeleka kwesu kakutana njila.

<sup>206</sup> Sena Nse bala buyo awa, “Mbobuti bobilo mbo bakonzya kweenda citakuti bazuminana? Leza taciti cintu citakuti Wa ciyubununa ku balanda Bakwe, basinsimi. Mbobuti bobilo mbo bakonzya kweenda citakuti bazuminana?”

<sup>207</sup> Kakuli, tu jisi bana Mohammedi, Buddha, batasyomi mukuba leza, babi, balyianda, zintuzyonse zimbi, muli ncico.

Muyeyya—muyeyya kuti Leza inga wakkala mu cintucimwi mbuli ceeco?

<sup>208</sup> “Ee,” yebo wati, “kuti, ee, tuli mu bbelekelaamwi a mbabo. Tu jisi kukwabililwa koonse kwa Kumbo.”

<sup>209</sup> Ba kali jisi masi oonse ali mbabo, mu bukwabilizi. Pele oyo musinsimi wakati, “Leza uyo munyonyoona. I Leza nguonya ngo belekela uyo munyonyoona, nkambo ka bufubafuba bwako.” Inga waamba cintu nciconya cifumo cino. Inga na kabwekela, kuzwa ku White House kulaale kuselemukila ku mpulasi itakweankoiya. Inga wacita ncobeni. Inga na kabatapatila canguzu, ku Ijwi lya Leza. Inga nacita ncobeni. Eyo njje nzila ya musinsimi wakasimpe.

<sup>210</sup> “Amu tulange, mambungano. Oh, tuli mbungano mpati iisalala ya Katolika ya Roma!” Yaamba, mu Bbaibbele, kuba SIKUVUULA.

<sup>211</sup> “Tuli basikale ba matata, mambungano aa Protestant, oonse akakamantana antoomwe, a kwiita i...kula tegwa Kkanso Yanyika Ya Mambungano.” Basibwaamu ba SIKUVUULA, Bbaibbele lya kaamba. Obo mbombubo Mbo lya kaamba. Uh-huh. Elyo nekubabobo tu yeeya kuti, “Elyo lino mambungano oonse ali mukuunka antoomwe.”

<sup>212</sup> Ba. Collins, mweenzuma wangu, mukwesu kuzwa ku California, na, Arizona okuya. K-...yako...Pete, [Mukwesu Neville waamba, “Elmer”—Mul.] Elmer. Nda kati, “Ee, Ndi yeeyela kuti uunka ku mbungano imwi niini mbotu ya Methodisti.”

<sup>213</sup> Kati, “Nda kazwa kuli ncico cindi niba kasangana eyo Kkanso Ya Mambungano kutala okuya.”

<sup>214</sup> Nda kati, “Leza aku longezye. Uli munsi ku Bwami, mukwesu.” Uh-huh. Iiyi, munene.

<sup>215</sup> Buzumini bwabukombi, kuyaamina ku nsangano a bantu, a njiisyio yabo yakapangwa aa bantu, a kusiya Ijwi lya Leza. Eco nco tu yandikana musinsimi sunu, kubbotoka Ijwi eelyo omuya. Obo mbombubo ncobeni. Inzya.

<sup>216</sup> Balo, bala bweza bukwabilizi aakati kabo. “Oh, twa kaswaanganya. Swebo, ba Pentekoste, masimpe, twa kaswaanganya Kkanso Yanyika Ya Mambungano onse, nkaambo omuya tu jisi luswaanano. Tuyo balonzya.” Mboli mwanakazi kaya ku kaanda ka mu mabbiyaholo, ku kolwa antomwe a mulumi wakwe, ku muzundila kuli Leza. Mbubonya mbuli mulumi mbwaunka a mukaintu, mazuba aya, ku kaanda kamu mabbiyaholo, kuyo kolwa, ku muleta kuli Leza. Bufuba! Amu tantamuke nyika ya dyabulosi.

<sup>217</sup> Cindi kufumbwa cintu cikaka Ijwi eelyo, Nda cilwana. Eco cindipanga kulwana tubunga toonse, nkaambo cilwana Ijwi. Ceelede kubamba musyomi oonse kumvwa nzila eyo. Huh!

“Ee,” ba lati, “pele, amuyeeye, tu jisi . . .”

<sup>218</sup> Ndi jisi kabeela kapati mu pepa, muntu umwi wandituma kuzwa ku Arizona, obo sikale oyu *Nini-a-niini*, buzuba bumwi, kati, “Poopu John wa Twenti Sekondi,” na kufumbwa mbo ba mwiita kuti, “kajisi . . . Walo muntu uli kabotu. Ngo muntu luzutu oyo wakasola kwaambaula ku kukamantanya mambungano, ba Katolika aba Protestant, antoomwe.” Kati, “Antela inga tii caboola mu mazuba esu, pele, kwainda myaka ili kkumi ayosanwe na makumi obile, ci yooba kuno.”

<sup>219</sup> Nda kayeeya, “Mulombe, yebo mukuba sikale, uli mukusinsima, elyo to cizyi.”

<sup>220</sup> “Nkumuka maningi kwiinda mbo tuyeeya.” I mulombwana waka ulemba kuli ndime, kalemba atala lya peegi, “Nkumuka kwiinda mbo tuyeeya.” Wa kali kuswiilila ku mateepu, awalo. Iiyi, munene. Wa kati, “Nkumuka maningi kwiinda mbo tuyeeya.” Kati, “Mukwesu Branham, sena to kaamba eci, myaka yakainda?”

<sup>221</sup> Nda kati, “Masimpe.” Iiyi, munene. Ci boola kucitika, nkaambo ndi Ijwi lya Mwami. Ci leelede. Masimpe. Inzya.

<sup>222</sup> Ba lati, “Ee, oyu sikale uusalala, sa tamu yeeyi kuti weelede kuziba cintucimwi kwiinda ceeco?” Peepe, munene. Ikuti na wakaka Ijwi lya Leza, ko Li langa mbuli booboo, ta konzyi.

<sup>223</sup> Ta ndikwe makani kuvula kwa ba pope, basinsimi, a ceeco cimbi nco jisi akati kanu. Ikuti na wazwa ku Ijwi, yebo ulizwide ku Ijwi. Mbo mbubo. Mbobuti Leza mbwa konzya kusola kuleleka cintu cili booboo, kufumbwa kuti kaba kaka Ijwi lya Leza ndilyonya? Mbobuti Mbwa konzya kuleleka cintu cili coonse kunze lya Ijwi Lyakwe, cintucimwi eco ciimpene ku Ijwi Lyakwe? Mbobuti Mbwa konzya ku Li kaka?

<sup>224</sup> Mbobuti mbo konzya kuleleka kkulenge eelyo likulya? Mbobuti mbo konzya kuleleka ii—ii—ii matobelanwa aa malaiti ayo ngo jatilide, yebo watu, “Oh, kondi jatilila a kundiumpa”? Oko inga kwaba kusondoka.

<sup>225</sup> Mbobuti Leza mbwa konzya kuleleka kufumbwa cintu eco cilwana Ijwi Lyakwe? Aboobo amujokele ku Ijwi! Uh huh.

<sup>226</sup> Nyewebo no nkamu ya bakambausi, mbuli babwa bagambya, makani a ndinywe? Ula unka awa kuya kusambala bupati bwako nkambo ka musinza wa bunyangu, ku kweenzya koonse mu Kkadilaki na cintucimwi, na amwi maanda, mapati ncobeni kubusena bumwi, a mbungano mpati ya madollar ali milioni. Elyo zintu ezyo zyoonse mbuli ezyo, a kusambala bupati bwantu, a kufwabweeme a kuyoowa kukambauka ku kambauka Ijwi lya Leza ku mbunga yako. Kwaamba, sa tofwinsoni kuli lwako? Elyo kuliita lwako kuti mulanda, musinsimi wa Leza, kusambala bupati bwako ku kunyongana kwa inyika. Ino uyo konkolwa

kuba nzi? I mbubonya mbuli Esau mbwa kacita. Oh, ino ndi sampa!

<sup>227</sup> Oh, peepe! I Leza uusalala oyo umamela Ijwi Lyakwe, ku Li simpikizya, taka konzya kuleleka cintucimwi eco cilwana Ijwi Lyakwe. Lino amuswiilile. Ndi lizi Ndiya bumuka aniini buyo, elyo inga Nda kusika calufu. Pele, amulange, Ndi yanda ku mubuzya cintucimwi. Mbobuti Leza uusalala, Oyo wakaamba Ijwi Lyakwe a kuti, “Lino, majulu a nyika ziyo loba, pele Eco ta cika lobi, kutali Ijwi lyomwe lya Ndilyo,” lino mbobuti Mbwa konzya kubweza cintucimwi eco ciimpene kuli Ceeco a ku cileleka? Mbobuti Mbwa konzya kucicita? Amulange. Ula tondezya, Mwini. Ula simpikizya Ijwi Lyakwe. Ula amba eco ciluleme, kutali kwiinda ku bumembala.

<sup>228</sup> Amulange Moabu. Moabu waka jisi Ijwi Lyakwe, awalo, Moabu. Israyeli yaka jisi Ijwi Lyakwe, elyo Moabu waka jisi ciwa cabukombi, a Ijwi Lyakwe. Ba katuula zituuzyo zili ciloba, basune basalala, aa zipaililo zili ciloba; mweelwe uulondokede, cituuzyo cilondokede. Mpawo, kunze lya ceeco, wa kabweza bagutu bambelele bali ciloba, kabakanana kuti bakasyoma mu kuboola kwa Mwana wa Leza, a kuba tuula kutala okuya, a archibishopo wabo mupati. Boonse bantu babo balemekwa, boonse bapaizi babo a bapaizi bapati, zintuzyonse zimbi, kwii mikila kuzunguluka bamami abaleli babo, a bambi, a katuula eci ca bukombi buyo mbuli mbo bakali kukonzya kuba, kulwana Israyeli.

<sup>229</sup> Elyo ngooyo Israyeli wakali kumusanza okuya, nkamu niini ya bazangi, kalibonya mbuli. Pele ino wakali a Israyeli wakali nzi? Leza wakali mu miswaangano yabo yanguzu. Wa kali kulitondezya Mwini, kuti Wa kali ambabo. Mwabona?

<sup>230</sup> Takukwe makani obo basikale mboba yooba a, bamapoopo, na kufumbwa zimbi, Leza takonzyi kuba a mbabo kusikila Wa litondezya Mwini a mbabo. Elyo kufumbwa kuti kabaleya ku Ijwi Lyakwe, a kukaka Ijwi Lyakwe, mbobuti Mbwa konzya kuba a mbabo? Taakwe zitondezyo zya Leza muumi akati kabo.

<sup>231</sup> Mbobuti Leza mbwa konzya kuba akati ka U.N., kakuli bobilo taba konzyi kweenda kakutakwe kuzuminana?

<sup>232</sup> Lino, amulangisye awa. Kuli Mbungano ya Kristo, mbo iitwa, kaswaanganisigwa aba Pentekoste. I Pentekoste yaamba kuti bala syoma mu kwaambaula mu myaambo. Bala syoma mu bumboni bwa Muuya Uusalala, kwaambaula mu myaambo. Ba lati bala syoma muli *eci, eco, a cimbi*. Bala syoma mu zitondezyo a zigambyo. I Mbungano ya Kristo ila baseka, kati, “Nywebo no cikama ca batakwe luzibo! Ayo akali mazuba akainda.” Mbobuti bobilo mbo bakonzya kweenda antoomwe kabatakwe kuzuminana? Elyo baka swaanganya antoomwe. Ncinzi nco bacita? Ba yandaula bukwabilizi kuli umwi aumwi. Kuzwa a zintu zili boobo!

<sup>233</sup> Bukwabilizi bwangu buli muli Kristo a mu Ijwi Lyakwe, nkambo Ijwi Lyakwe ngo nguwe Mwini. Mbo mbubo.

Taakwe zitondezyo zya Leza muumi, pee.

<sup>234</sup> Nce ncico Jesu nca kaamba, “Ikuti na Nse bambi Ijwi kuyubulula, nkokuti muta Li syomi. Ikuti na Leza ta kanani a kusinsima kwiinda muli Ndime, a kwaamba kwiinda muli Ndime a kucita kwiinda muli Ndime eco buyo Mesiya ncaeledge kucita, mpawo muta Ndi syomi.”

<sup>235</sup> Mpawo, mulombwana waamba kuti musinsimi wakatumwa kwa Leza, nkabela kukaka Ijwi? Leza koba siluse ku zintu zili boobo! Mbobuti Leza mbwa konzya kusola kucita ceeeo?

<sup>236</sup> Andi buzye, buzyee, nceeci lino. Nse—Nse zyi cindi Neya ku kanana kuli ndinywe alubo. Eco inga ciyooba kuli Leza. Ndi bikka buyo mu Cakulya, mbuli Mbwa kandaambila mu cilengaano eco ciindi eco, ku Ci bikka mu zisuwo.

<sup>237</sup> Inga wandi buzya, “Mbobuti Amosi mbwa konzya kubona kumbele eco cakali kuyo citika kuli mbabo?” Baa, cakali kulibonya kabotu.

<sup>238</sup> Amulange. Lino amulange awa. Lino, amuswiilile kabotu lino. Nkaambo, Eci coonse cili aa teepu, alimwi Cileelede kuunka, Ciyo unka ku inyika yoonse. Mwabona? Lino nzila... Amulangisye awa.

<sup>239</sup> Njeeyo Israyeli mboya kabede. Maseminari abo akali mu ciimo cibotu kwiinda mbwa kabede lyonse. Taakwe muntu ubapenzya. Ba kali jisi bukombi bwabo. Takukwe umwi wa kati, “To konzyi kukomba Jehova.” “Kozumanana,” kaamba zisi zya bahedeni, “kukomba. Tu jisi kuzuminana, umwi aumwi.”

<sup>240</sup> Oyo musinsimi wakabona kwiinda muli ceeeo. Mwabona? Mbubonya musinsimi mbwa konzya sunu kubona kwiinda muli ncico. Mwabona?

<sup>241</sup> “Ko zumanana.” Elyo Israyeli wakati, “Ee, atu lye, kunywa, a ku kkomana.” Aboobo bajisi nkamu ili antoomwe ya kupanga tuyanza twabukombi, a tubunga, tubungwe, a zintu, a kucibamba coonse. Elyo banakazi babo bakapona buyo mu bupaale bwa misaalo a cibi kubusena okuya. Mulombe, kweenzegwa mu restiranti ya kulisangabalisyia azintuzyonse, kabatasamide kumaninina, kabasamide misinsi miniiini ilibonya mbuli siluki. Ikuti na mwakasola kubona amwi makani abo—abo aakale aa mazuba ayo, obo mbo bakali kulibonya, oh, kutandila wani theedi mbuli mbo bacita sunu. Kutali kweelede, nekuba, nkaambo tiiba kakonzya. Inzya. Elyo nzila mbo bakacita a kulilemeka mbuli boobo; a bami, a bapaizzi, a bantu boonse bambi.

<sup>242</sup> Jesu wakati, “Nywebo mula nyonyoona maanda abamukabafu, nywebo basikuupaupa.” Wa ka caamba. Elyo zintu ezi zyoonse nzo bakali kucita.

<sup>243</sup> Oyo musinsimi kaimvwi alya, kalanga ansi ali ceeco, eco cisi mbuli ceeco, ta cigambyi moyo wakwe wakazapulwa kuzwa kuli nguwe. Iiyi, munene.

<sup>244</sup> Lino, yebo wati, "Mbobuti mbwa kaziba eco cakali kuyo citika? Mbobuti mbwa kakonzya ku cibona kumbele? Buti?" Ca kaboneka kabotu. Baa, ba jisi kunji kwa kulya. Ba jisi kunji kwa kusama. Ba, ba kajana mambungano abo mapati. Bali mukuzwidilila. Mali akabyalwa koonse, kiliboteleyza kwamisaalo. Zizyano mu tugwagwa, bwaamu, a zintu zyoonse zimbi kazi zumanana buyo, a zintu zyoonse zyeenda kabotu. Mbuli buyo America sunu. I cipekupeku cizwide kudana kubbi, banakazi kabatasamide cakumaninina, zintuzyonse zimbi. Zintu zyoonse nzo bona zili mu tombe buyo a cibi. To elede kulanga aa cipekupeku, kojula buyo meso aako, langa kuli koonse. Basimbi, balombe, baalumi, banakazi: kufweba, kunywa. Balo ba Jezebele kaba liita Banakristo. I madyabulosi mabi aliita lwavo kuti Methodisti, Baptisti, Presbyteria, Katolika, a ba Pentekoste. Uh-huh. Uh-huh.

Ta cigambyi caka suumanya meso aakwe cindi na kalanga. Huh! Mbo mbubo.

<sup>245</sup> "Zyoonse ziboneka kabotu. Mbobuti mbo konzya ku mufutula? Ikuti na tuyu cita... Buti? Buti? Amulange awa. Ee, tu-tu jisi bali milioni bambi. Tu-tu jisi... Tu... Mayake esu ali, oh, mambungano esu mapati loko, twe elede kuyaka mambungano mapya. Ee, tuli jisi mali manji loko, ta tuzi cakucita a ngawo. Baa, tu yaka buyo masena mabotu maningi mu i-mu cisi. I mambungano mapati kwiinda aliko, swebo tuli bavubide. Elyo tu cijisi mali manji. Sena tamuyeeyi kuti Leza waka tulongeza?" Peepe. Muli zwide ku Ijwi Lyakwe.

<sup>246</sup> "Elyo, Mukwesu Branham, sa waamba kuti Leza uyo nyonyoona ceece?" Iiyi, umwi aumwi wabo.

"Mbobuti mbo ziba?" Amosi, mbobuti mbo ziba?

<sup>247</sup> Mbuli buyo dokotela uulangalanga bulwazi. Cindi ajana malwazi ayo aali aa mulwazi, ulizi eco cakucita. Uli zyi eco mulwazi nca jisi. Uli zyi obo mbo ci sumpukide. Alimwi uli zyi eco ciyo citika. Eyo nje nzila a musinsimi, musinsimi wakasimpe, cindi a bona. Ta ndikwe makani eco ncoli mukucita. Cindi abona cibi kaciindila, ndi kkulenge lilya. Elyo cili mu kusumpuka kuli boobo, muli ba Pentekoste a boonse bamwi babo, ta cikonzyi kujoka. Cili aa ciimo cisumpukide. Bayo nyonyoooka.

<sup>248</sup> Eyo nje nzila Amosi mbwa kakonzya kulangalanga bulwazi. Wa kacilangalanga kwiinda ku Ijwi lya Leza. Obo mbwabede musi-...musinsimi wakasimpe kuponyongola cilwazi, a kwaambila banakazi, "Muta soli kuunka ku Lubeta a masusu ageledwe, kakuli mulizi kabotu." Kwaamba kuli ndinywe no baalumi, bamwi banu, a nywebo no bakambausi mula kaka Ijwi, a kuba a ciwa ca bukombi, a kusangana tubunga, kuleya

kaambo, kakuli ulizi kabotu. Amu lange ku Ijwi ndilyonya basinsimi beni ncoba kalino langa. I kulangalanga kwa kaambo kati, “Lufu! Kwandaanisigwa!” Mbulubanya mbuli dokotela, uli zyi kaambo. Uli zyi musyobo wa zitondezyo ngo ijisi.

<sup>249</sup> Amulange cisi eci. Cindi wati, “Pentekoste yakacita.” Cindi, taba kakuzumizyi akwalo kusika ku mbungano, nkaambo ula kambauka ku banakazi kujatikizya masusu ageledwe, nkabela Bbaibbele lila cilwana. Kuyoowa kuti uyo amba cintucimwi kujatikizya...

<sup>250</sup> Okuno buzuba bumwi, cindi Ne kali kupanga miswaangano yanguzu, Roy Borders wakali, ku West Coast, baka muleta antoomwe, nkamu ya bakutausi, kutandila, oh, Ndi yeeyela kuti makumi one na makumi osanwe aa mbabo, oko Nkwe kajisi muswaangano mupati. Ba kati, “Ba. Borders, Ndi yanda ku mubuzya cintucimwi.” Kati, “Sa cili bwini kuti Mukwesu Branham ubelesya Zina lya Mwami Jesu Kristo ku bapatizya?”

<sup>251</sup> Ba. Borders, mulombwana uulemekwa maningi, mbuli mbo muzi Mukwesu Borders kuzwa kokuno. Wa kati, “Nobaalumi,” wa kati, “Mukwesu Branham, cindi nali mu miswaangano yanguzu, kumasena, obu,” kati, “ta kambauki. Ula zumanana buyo a kukombela balwazi banu. Eco nce ncico nca cita.”

<sup>252</sup> Kati, “Eco tacili ceeco Nce mubuzya,” wakaamba mwaalu. “Ula cita na?” Lino, ba kajisi mateepu. Ba lizi. Kati, “Sena ubapatizya mu Zina lya Jesu Kristo?”

<sup>253</sup> Wa kati, “Iiyi, mu mbungano yakwe mwini. Obo mbo busena bulikke mbwa bapatizya, mu mbungano yakwe mwini.”

<sup>254</sup> Wa kati, “Nce ncico. Nkukoonse Nkwe yanda kuziba. Ta tumu yandi. Ta tuyandi ceeco okuno kwaandeene akati ka bantu besu.”

<sup>255</sup> Elyo buzuba bumwi, cindi mweenzuma wangu mubotu, Ed Daulton, ujisi lugwalo kuzwa ku mbungano ya Baptisti. Wa kati, “Twa kutanda kuzwa ku luswaanano lwa Baptisti, nkaambo wakasangana omuno mu buzumini bumbi bwa kubbizigwa mu Zina lya Jesu.”

<sup>256</sup> Ndi yanda kwiimina Paulo, “Muli ceeco inyika ncoita awa cakusandulwa, eyo nje nzila Mbwe komba Leza, nkaambo ndi Ijwi Lyakwe.” Iiyi, munene. Inzya. Oh, masimpe.

<sup>257</sup> I dokotela walangalanga bulwazi. Ula bona awo mpo cibede. I musinsimi wakasimpe wakalangalanga bulwazi, kwiinda ku Ijwi. Walo ninzi? I dokotela ulangalanga kaambo kakwe, ku zitondeezyo. Sa cili kabotu? Ula langa ku zitondezyo alimwi ula bona penzi a mulwazi. Ula bona obo mbo cisakene, a kwaamba, “Taakwe cintu cikonzya kucitwa.”

<sup>258</sup> Elyo musinsimi wakasimpe ubweza Ijwi lya Leza a kulangalanga twaambo, kunjizya Musamu muli nguwo. Elyo bantu bala Li josya ku busyu bwakwe. Ncinzi ciyo citika?

Kuloba, kwa mana; kuyanda misaalao, mulongo wa nkamu ya basinyika bategwa basikuupaupa! Pele eyo nje nzila ya musinsimi wakasimpe. Mwabona? Oh, ma!

<sup>259</sup> Ula bona malwazi. Wa kabona kuti baka tantamuka kuzwa ku Ijwi. Wa kabona Ijwi. Elyo wa kalizi micelo eyo yakali kuboola. Wa kabona bupaale bwa misaalo mobakali kuponenamo, kabona nzila balo banakazi mbo bakali kulilemeka. Wa kabona nzila bapaizi mbo bakali kucita, nzila mbo baka tantamuka kuzwa ku kukomba kwa Leza kwini, a zintu mbuli ezyo. Okuya, wa kajisi i—wa kajisi bwinguzi. Wa kati, “Oyo Leza ngo mutaminina kuti muoyo belekela uyo munyonyoona.”

“Nkaambonzi?”

<sup>260</sup> “Tamu bambi Milao Yangu.” Elyo nekubaboobo ba kayeeya kuti wa keelede kucita. Sena Nse kaibala buyo awa? Kampango ka 2, ka 4 . . . cipati 2, kampango ka 4, “Nkaambo Nda kamusala kuba i . . . Ku mikwasyi yoonse ya nyika, Nda kamusala, elyo nekubaboobo mula kaka kweendela mu Milao Yangu.” Mula yeeya . . .

<sup>261</sup> Oyo musinsimi muubauba, walubala amutwe kaimvwi alya acilezu camvwi; kubalama mu meso akwe, mulilo umweka; kukanana ku nkamu eyo ya bapaizi a zintu, a kuti, “I Leza oyo nywebo basikuupaupa mulilemeka mbuli mbo mucita, oyo Leza nguonya uyo munyonyoona.” Muyeyea kuti inga waiya kubeleka amwi na? Huh! Wa kati . . . Oh, ma! Walo, amusole sunu a kabona ikuti na inga wacita. Peepe. Pele walo ninzi? Eyo nje nzila ya musinsimi wakasimpe. Wa kajisi Ijwi. Wa kalizi obo mbo Ly a kabede.

Mbuli Mikaya wakale . . .

<sup>262</sup> I muvwanda muniini oyo Ngwe katuula, Nda kaindilila amwi, maminiti masyoonto ainda, nkaambo Nda bindaana ciindi.

<sup>263</sup> Pele, Mikaya, cindi nakaima kumbele lya Ahabu, wa kabalanga. Wa kalizi Ijwi. Mikaya waka kanana Ijwi kuli mbabo. Nkaambonzi? Mikaya waka beteka cilengaano cakwe, Njiisyo yakwe, a Ijwi lya Leza. Elyo wa kabona kuti Njiisyo yakwe a Ijwi zyakali kozyenye. Nkaambo, Ijwi lyakati Uyo singanya Ahabu, alimwi Uyo citya babwa ku ntwakizya bulowa bwakwe. Eco ncecico Ijwi ncolya kaamba.

<sup>264</sup> Aboobo, Mikaya waka jisi cilengaano. Nkokuti, wa kali musinsimi. “Amubone eco Ijwi ncolileta kuli ndime.” Elyo wa kakomba, “O Mwami Leza, ino Nde elede kucita nzi? Ino Nde elede kwaamba nzi ku nkamu eyi ya bakambausi kabaimvwi awa? Ntootu tubunga toonse. Kamwi akamwi mu cisi kali bungene kundi lwana, Mwami. Mpaawa Nda ima kumbele lya mwaami. Ino Nde elede kwaamba nzi?”

<sup>265</sup> Elyo wa kanjila mu cilengaano. Kati, “Kozumanana kuya kutala. Ko zumanana.” Kati, “Pele Nda kabona Israyeli kaimwaikide mbuli mbelele zitakwe mweembezi.” Inzya.

<sup>266</sup> Oyo—oyo mwaalu wa cooko wakeenda kumbele a kumubakula lubayi ku mulomo, a kuti, “Nkokuli Ijwi lya Leza, Muuya wa Leza, unka, cindi Ni lyazwa kuli ndime?” Kuzwa muli nguwe?

<sup>267</sup> Nywebo mulizi eco Leza nca kaamba? Wa kalekela dyabolosi kuunka aansi, kuba aakati kabo, nkaambo bakali zwide ku Ijwi, ku kutalika.

<sup>268</sup> I Bbaibbele lyakati, “Ikuti na taba kasyomi Ijwi, Wa kali kunga wabapa lweeno lupati, kusyoma bubeji, alimwi kanyonyoonwa kuli mbubo.” Nce ncico ncobeni tubunga otu a bantu ba cisi eci nco bali mukucita sunu, kusyoma bubeji, ku nyonyoonwa kuli ncico. “Nkambo takukwe Zina limbi lipedwe kunsi e Julu kuli ndilyo nko mweelede kufutulwa.” Amu ndandame, basitubungwe, abamwi bambi. Iiyi.

<sup>269</sup> Lino, ncinzi aba bamwi...?... Ncinzi aba basinsimi bambi ncoba kalanga? Ba kali basinsimi. Iiyi, munene. Ba kali basinsimi. Pele ikuti niba kaima a kulangwalangwa cisinsime cabu ku Ijwi!

<sup>270</sup> Ikuti na ba Methodisti bakonzya kwiima sunu a kulingula cisinsime cabu, inga baleka kusansaila muntu umbi. Inga batambula Muuya Uusalala. Inga babapatizya umwi aumwi kwiinda mu kunyikizya, mu Zina lya Jesu Kristo. Ikuti na ba Assemblies of God inga baima sunu a kulanga aa cisinsimi cabu, inga ba jokela ku Ijwi. Ikuti na Babumwi, sunu, inga baima a kulingula cisinsime cabu, inga ba jokela ku Ijwi.

<sup>271</sup> Pele, nywebo mwabona, ikuti balo basinsimi niba kaima a kulingula cisinsime cabu! Ba kabuzyabuzya. Ba kati, “Eco cizulilwa kuli ndiswe. Aboobo tuyu unka kutala ku Romati Gileadi nkabela tuyu cibweza, nkaambo cizulilwa kuli ndiswe. Joshua waka cipa kuli ndiswe.”

Pele Mikaya wa kati, “Eco cilimvwisyah kabotu.”

<sup>272</sup> Pele obo mbo cibede. To yandi kubuzyabuzya. Uyanda kusyoma eco Leza nca kaamba. Uta buzyibuzi cintu.

<sup>273</sup> Ino kuti Abrahamu naka buzyabuzya? Mbobuti mbwa kalino sola kusiya cisi cakwe? Mbobuti mbwa kali a myaka ili mwaanda yakukomena, kacipa kulumbaizya kuli Leza, alimwi bayooba a muvwanda kwinda kuli Sarah, a walo kali makumi ali fuka?

Kosowa kubuzyabuzya. Ko syoma buyo.

<sup>274</sup> Yebo lekela dyabolosi ku kwaambila, “Yebo ulizi, Mukwesu Branham tali cintu pele sikuupaupa.”

<sup>275</sup> “Lino, Nda lindila lino, andi bone ikuti na nkiali. Atu bone na uli mukuyiisya kabotu. Andi jokele ku Bbaibbele.” Uta, uta unki... Ta kakulekeli kucita ceeco. Peepe, peepe. Mwabona?

<sup>276</sup> Pele uyo amba cintucimwi cibi kujatikizya ndime, eco ncayo jana nguzu ku, mpawo ula zumanana buyo kujana eco, kwiima a kutilika kubuzyabuzya, “Inzya. Ta keelede kucita *ceeci*. Ta keelede kucita *ceeco*.” Yebo watalika kundi langa, ee, ujisi buyo zinji.

<sup>277</sup> Elyo inga no kalanga ku Mwami Jesu. Ingwa mwajana kunji. Amu Mu lange, aniini buyo. Ndiyo bikka umwi aumwi wanu mukutausi. Lino tuyu luba kuti Wa kasola kuba aa nyika. Ngooyu Mulombe oyo wakondezegwa, cisi coonse, kuti Walo ii—ii Mwana wa musokwe. Banyina bakali Mu jisi kale a bawisi Bakwe kabataninga kusola kukwata. Ca katondezegwa. (Lino, taba kainki ku Ijwi, “Ii nakalindu uyo mita.”) Bayo unka buyo kuli eco ncoba mvwa, mwabona, “Ii Mwana wa musokwe.” Sa tiiba ka Mwa ambila kuti Wa kazyalilwa mu cibi, a kusola kuba yiisya? Ndili... Mwabona?

<sup>278</sup> Elyo amulange eco Nca kali kucita. Wa kali kumwayaula ncobeni mbungano zyoonse zyakali mu cisi. Sa mbo mbubo? Tubunga, zintuzyonse zimbi.

<sup>279</sup> Ino Wa kali nzi? “Mulombe umwi wakakomena kwiindila mbuli booboo, Mulombwana mukubusyi, kaatakwe kabungwe. Ndaambile mbungano Njo zulilwa. Nguni uso Wako? Yebo watu Josefa tali taata Wako?”

“Josefa tali taata Wangu,” Wa kali kunga waamba.

“Ee, nguni Uso Wako?”

“Leza ngu Taata Wangu.”

<sup>280</sup> “Ee, Uli sikwiindilizya! Obo mbombubo ncobeni Mbo bede. Yebo, mukuba Muntu, a kwaamba kuti Leza ngu Uso Wako?”

<sup>281</sup> Ikuti niba kacilanga langa kwiinda ku Ijwi! Aleluya. Sena tamu ciboni cintu? I Ijwi lya keelede kuba mu mubili wabantu. Tiiba kalingula cilengaano cabu kubelesya Ijwi. Nce ncico.

<sup>282</sup> Eelyo nde penzi sunu. Tamu linguli zilengaano zyanu a i...canu—canu ca cisinsime a njisyo yanu, a Ijwi lya Leza. Muntuumwi usola ku mwaambila Bwini, mpawo ula tantamukana a mbabo, mbubonya mbuli Amosi mbwa kalino cita, Amosi mbwa kacita. Mula cita cintu nciconya.

<sup>283</sup> Lino amulange awa. Uli mu ciimo eci. Lino, nomwaka Mu pa mulandu, antela, mbo mbubo, ikuti na tiimwa kajokela ku Ijwi. Bala cita mbubonya. Ba Mu pa mulandu asunu.

<sup>284</sup> Ino kuti nywebo no banakazi, *awa a awa*, inzya, nkaambonzi tamu lingauli muzeezo wanu wa masusu ageledwe kubelesya Ijwi, a kubona eco Nco lyaamba? Mwabona? Nkaambonzi tamu cito zintu ezyo?

<sup>285</sup> Nkaambonzi tamu linguli lubapatizyo lwanu, lwa “Taata, Mwana, Muuya Uusalala,” eyo “triniti,” ya lweeno mbuli mboiitwa, eco citali cintu mu inyika pele milimo yotatwe ya

Leza omwe, mabande? Taakwe *zina* lyá “Taata.” Takukwe cintu cili boobo mbuli *zina*, “Taata, Mwana, a Muuya Uusalala.”

<sup>286</sup> Zina lyá Taata, Mwana, a Muuya Uusalala, lili ngu, “i Mwami Jesu Kristo.” Amu lingule lubbizyo lwanu anzila aimwi ili yonse mu Bbaibbele mbo yaabbizigwa. Ikuti na mwa lingula muzeezo wanu kubelesya Ijwi, inga—inga mwa joka nkabela inga mwa bbizigwa mu Zina lyá “Mwami Jesu Kristo.”

<sup>287</sup> Nce ncico Paulo ncaka baambila kucita. Elyo kati, “Ikuti na umwi umbi wa yiisya cintu cili coonse candeene, abe walo—abe mutuke, naba kuti Angelo wakaseluka.”

<sup>288</sup> Nywebo mulizi, ziindi zinji, Baangelo balaseluka. Mulombe, obo Pentekoste mbo bacilya eco!

<sup>289</sup> Mbuti kujatikizya Musalali Martin cindi nakaimvvi alya, elyo mpaawa kwakaimvvi cilenge cipati cimweka kaciimvvi kumbele lyakwe?

<sup>290</sup> Ii muntu waka bbizigwa mu Zina lyá Jesu, oyo wakasyoma mu Muuya Uusalala, a kubamba Ijwi! Elyo ba Roma bakali kumu tanda, a kucita zintuzyonse kuli nguwe, kusola ku mupa tuyanza twabo twabuzumini a njiisyö zyakapangwa aabantu. Oyo muntu wakaimvvi aa Ijwi.

<sup>291</sup> Buzuba bumwi, mu nguzu zyakwe, madaimona ayo akaboola kuli nguwe a kusola kwaambaula kuli nguwe. Ta kabikkila maanu kuli ngawo.

<sup>292</sup> Buzuba bumwi, Saatani wakasika mbuli boobo, mbuli Kristo, kasamikidwe musyini, kasamide nkwbilo zya ngolide, kaimvvi alya a kuti, “Sena to . . .” Mabangabanga a mulilo kamu zungulukide. Kati, “Sena tondi zibi, Martin? Ndili Mwami wako. Kondi komba.”

Martin waka mulanga. “Kuli cintucimwi cilubide awo.”

<sup>293</sup> Wa kati, “Martin, sa tokonzyi kundiziba?” Kati, “Ndili Mwami a Mufutuli wako.” Kati, “Kondi komba.” Wa kaamba obo ziindi zyotatwe.

<sup>294</sup> Elyo Martin wakalanga koonse. Wa kabona, Kristo uyo samikwa musyini ku bantu Bakwe, aa Kuboola. Inga katano samide nkwbilo zya ngolide. Wa kati, “Kozwa kuli ndime, Saatani.”

Mulombe, sa bana Pentekoste nibata kacilya eco? “Mulombe, Angelo uumweka kapat!”

<sup>295</sup> Oyo mwanakazi wakaselemuka, ku Chicago oko Nkwe unka, kati, “Mukwesu Branham, bakambausi kutala okuya bakati ikuti na Angelo wa Mwami waka kwaambila kubbizya mu Zina lyá Jesu, inga bacitambula. Pele sa oyo muyeyeo wanu wini?”

<sup>296</sup> Nda kati, “Ikuti na Angelo wa Mwami wakaamba kufumbwa cintu ciimpene kuli Ceeco, inga taaba Angelo wa Mwami.” Wabona?

<sup>297</sup> Ikuti na Angelo umwi waamba cintu cili coonse eco ciimpene ku Ijwi *eeli*, acibe bubeji. Elyo ikuti na muntu wa kwaambila, mutumwa kuzwa kwa Leza, waamba kuti uzwa kwa Leza, a ku kwaambila kuti, “Cili luleme ku bapatizigwa, mu zina lya ‘Taata, Mwana, Muuya Uusalala,’” abe mubeji.

<sup>298</sup> Ikuti na muntu wa kwaambila kuti, “Cili kabotu kuli nduwe, kugela masusu, a zintu mbuli ezyo; kuti weelede kusama ngowani mu mbungano, kuba ngowani ijisi tutambo, ‘kuba civumbyo,’” abe mubeji.

<sup>299</sup> I Ijwi lya Leza, ndya Bwini. Kufumbwa zintu ezi zilwana Ijwi, azibe zya bubeji. Ndi Ijwi, bwalo Mbwini. Buya kwiiima.

<sup>300</sup> Aako nke kaambo Mikaya nca kakonzya kuziba kuti cisinsime cakwe cakazwa kwa Leza, nkaambo cakali antomwe a Ijwi lya Leza. Iiyi, munene. Cilengaano cakwe caka simpikizya mbubonya mbuli Ijwi lya Leza.

<sup>301</sup> Oh, ikuti na Amosi nakali kookuno, na kakkala a Ijwi. Mbo mbubo. Pele, nywebo mwabona, elyo nde ndipenzi asunu, kuli ndiswe, luii mbuli kuti lilaa mbabo. Ndi tandila kujala. I penzi kuli ndiswe lili mbuli mbo lya kabede kuli mbabo. Ba kayiisigwa, kuzwa ku Ntalisyo. Jesu wakati, “Mwa kabamba Ijwi lya Leza kubula nguzu kwiinda ku tunsiyansiya twanu.” Alimwi olo lubapatizyo lwa bubeji! Eco citondezyo cabubeji cakutambula Muuya Uusalala! Bamwi babo bakati, “Kosukana janza.” Bamwi babo bakati, “Kanana mu myaambo.” Nda kamvwa madaimona kaamba mu myaambo, a kusukana maanza, aalo. Iiyi, munene. Tacili citondezyo ca Nguwo. Lino, zintu ezi zyoonse mbuli ezyo, zintu ezyo zyoonse, mwabona, mulazwa ku Ijwi lya Leza ku yiisya tunsiyansiya oto. Mbo mbubo.

Lino, na kacita, na kamu josya ku Ijwi.

<sup>302</sup> Pele tuli jisi, bamayi besu sunu, baka yiisya bantu, kuzwa ku Ntalisyo ya Ijwi lya Leza. Lino amuswiilile kabotu.

<sup>303</sup> Nce ncico ncoba kacita okuya. Nce ncico Amosi ncakali kubaambila. “I Leza oyo ngo mutaminina kuziba, Ngo Nguwe uyo munyonyoona.”

<sup>304</sup> Lino, twa kaba yiisya, kuzwa ku (inzi?) i Ntalisyo ya “Lusyomo olo lwa kapegwa ku matata aa pentekoste ciindi cimwi,” inzya, Bbaibbele. Kayiisya busena bwakusalazizya myuuya yabafu! Kayiisya lubbizyo lwa bubeji! Zintuzyonse, bubeji, bubeji, bubeji, kwandaanya kuzwa ku Lutaanzni.

<sup>305</sup> To cisyomi na? Jokela ku Bbaibbele, a kubweza “busena bwako bwakusalazizya myuuya,” a kubweza yako “Taata, Mwana, Muuya Uusalala,” a “kusansaila,” a zintu ezyo zyoonse, a kujoka a kubona ikuti na nca Malembe. Eyo nje nzila. Langi ikuti na cili aa Ntalisyo. Wabona? Ba kazwa ku Ntalisyo.

<sup>306</sup> Kwalo, Paulo wakaamba kuti...i Bbaibbele—i Bbaibbele likanana kuti i—i...kuti, “I Mbungano ya Leza iyakidwe aa

Njiisyo ya baapostolo a basinsimi." I basinsimi a baapostolo beelede kuba bomwe. Masimpe.

<sup>307</sup> Inzi? Twa kazwa ku Ntalisyo eyo ya Ijwi, kuya ku ntalisyo yatubungwe.

<sup>308</sup> Amuswiilile eno. Ndili mukujala. Amusame kumvwa kwanu kwa kumuuya. Amuswiilile.

<sup>309</sup> Twa kazwa ku Ntalisyo ya Ijwi, alimwi aa ntalisyo ya kabungwe. Nciindi cilamfu buti Nce konzya kukkala ali ceeco? Maora ambi otatwe. Kuzwa ku Ntalisyo ya Ijwi, kuyaama ntalisyo ya misaalo yanyika, zyanyika, kusobeleta zya bwaamu mu mbungano. Kuzwa ku Ijwi, kuya ku tuyanza twabuzumini. Eco inga candidolela mvwiki zyotatwe kukambauka ceeco kwiinda, mu nzila ya cisela, ezyo twaambo tone mpoonya awo. Kuzwa ku Ijwi, kuya ku kabungwe, ijwi lya kabungwe. Yalo mbungano i—i mboya bunganya buyo, ila zwa ku Ijwi mpoonya awo.

<sup>310</sup> Takukwe pele cintu comwe. Jokela ncobeni oko nko kazuwa, a kuunka alubo. Jokela ku Ijwi. Mbo mbubo. *Kweempwa* caamba kuti "koya, joka, kujatikizya busyu." Yebo uunka mu nzila illubide. Yaa.

<sup>311</sup> Kabungwe ka misaalo. Kabungwe ka nyi- . . . Ii—ii ntalisyo, Nda amba, zya—zya misaalo, ntalisyo ya zyanyika, ntalisyo ya tuyanza twabuzumini. Elyo zyoonse ezyo, antoomwe, zyaka konkola bubi bwa kulilemeka, bubi bwa kumuuya.

<sup>312</sup> Walo mukuba musinsimi wakasimpe, na kabona muli ndiswe mbubonya buyo eco nca kabona muli mbabo. Ikuti na walimvwii awa aa cibumbili eci sunu, elyo inga Nda amba, "Mukwesu Amosi, musinsimi mupati wa Leza, yo muntu utayoowi, boola okuno a kubweza busena bwangu," inga nali kambauka Ijwi eli. Na leelede kucita. Walo musinsimi. Ncibotu. Na Li kambauka mbubonya buyo nzila mbo Li lembedwe, nciconya buyo nco twaamba eno. Yaa. Uyo oba, mwabona muli mbabo eco nca kabona muli ndiswe, kubija kwa mictito.

<sup>313</sup> Amulange buyo, beenzuma. Mbangaye awa, mu mbungano eyi baliko eno, babona kuti inyika ili mu kubija kwa mictito? [Mbunga yaamba, "Ameni."—Mul.] Baa, tu lizi mbo cibede. Ino ndi penzi nzi? Ca zwa ku Ijwi. Yaa. Ncibotu.

<sup>314</sup> Amosi taka tongookela mfulumende. Sena mwa mubona awa, cindi mwa cibala cindi mwaunka ku muunzi? Taakwe naka tongookela mfulumende, wa katongookela mbungano nkambo kakusala mfulumende ili boobo. Humu!

<sup>315</sup> Noba situnzenyu, andi lekele eco cigaye muli ndinywe kaindi kaniini, awa a koonse ku nyika, oko nkoiya kuunka. I mbungano yakasala cintu cili mbuli Jeroboamu. Ndalibuzya ikuti nywebo, swebo, tii twa kacita mbuli cintu nciconya? Atwaambe kuti ni mfulumende mbotu; mfulumende taikonzyi kuyaka ng'anda aa

mwaala cindi bantu bayaka ng'anda aatala lya museenga. Sa inga cacita? Mu taambi kuti, "Mfulumende yesu! Mfulumende yesu!" Ndi nywe, cisi. Balo mbantu. Mbobuti mbo tukonzya . . .

<sup>316</sup> Mukutausi wakati kuli ndime, kati, "Mukwesu Branham," kati, "langa. Ndi lizi kuti uli luleme ncobeni muli Ceeco. Pele," kati, "ikuti na inga Nda kambauka Ceeco, kabungwe kangu inga ka nditanda, bantu bangu banditanda kuzwa mu mbungano." Kati, "Nse ka kambauki nkambauko imbi."

Nda kati, "Ko Li kambauka, nekuba." Iiyi, munene.

<sup>317</sup> Ndi Ijwi lya Leza. Ujisi mulimo. Ikuti na uli musinsimi wa Leza, wabwini, uyo kkala a Ijwi. Ikuti na pe, uyo kkala a kabungwe kako. Ciya oko nko kazwida.

<sup>318</sup> Amulange. Peepe, munene. Ta tukonzyi kuyaka, mfulumende taikonzyi kuyaka ng'anda aatala a Mwaala muyumu cindi bantu bano vootela ng'anda ya misaalo aa miseenga iibbila.

<sup>319</sup> Amulange neco tu yanda. Atu bweze buyo kaindi kaniini lino. Nda syoma ta Ndi mubambi kukatala. [Mbunga yaamba, "Peepe."—Mul.] Pele atu lange eco neco tuyanda, anini buyo. Nse konzyi kwaamba kaambo aka, bulembo obu. Amulange neco tu yanda.

<sup>320</sup> Amulange televizhoni yesu. Nce ncico neco tu yanda. Tu yanda aba bamwi basikudana kwiimikila alya akucita onse musyobo wa kudana kubbi, nkabela twa kkala ku ng'anda kutainka ku muswaangano wa mipailo masiku Bwatatu, na mukambausi ula fwambaana kumu kotola kutegwaa mu kakonzye kuunka kuyo mubona; mucembele sibwaamu musofwi, watombe, waakwatwa ziindi zyosanwe, na cisambomwe, kaamba kudana kubbi, kasamide cankwela, akulilemeka mbuli zintuzyonse. Elyo mula ciyanda eco kabotu kwinda mbo muyanda ng'anda ya Leza, citondezya musyobo wa muuya uli muli ndinywe.

<sup>321</sup> Twa zumizya. Swebo, tu bantu, ikuti na bantu ba cisi eci bakonzya kulemba magwalo ku mfulumende yesu, kwaamba kuti kuya kuba magwalo ali milioni ya mwaanda kuulukila mu mfulumende eyo akuti, "Amulesye mabambe ayo asofweede," inga beeleta kucicita. Tuli bantu. Pele swebo, tu bantu, tu yanda busofwi, aboobo eco tu jana.

<sup>322</sup> Amulange bubambe bwa maredio. Oh, ma! Kasandula *Mwaala Wa Makkalo* mu kulibbwayaula. Uh-huh. *Ciingano Cakaindi Cigalangene* mu kusyansyaila, cizyano cakuliyuumba buniini kwiinda kuli ncico. *I Ciingano Cakaindi Cigalangene*, inzya, masimpe, aa maredio, azipekupeku zyesu. Boonse i... Katola awa, kutali ciindi cilamfu cainda, kwalo kuhaka, balo basimbi baniini. Zintuzyonse mbuli buyo zyabwaamu mbuli mbo bakonzya kujana, nce ncico neco tu yanda.

<sup>323</sup> Ino cigwasigwa kunzi? Makoko, whisiki, misanga yatombwe, mali aa cisi. Ino bacita nzi? Babweza mali abo aa mitelo, ayo aelede kuyaku mfulumende ku mitelo, aku bbadelela mabambe ama televizhioni atombe amasofwi ngo babikka.

<sup>324</sup> Ba Pentekoste tiiba kali kwiinka ku zipekupeku zyatombe, zisofwi cindi niba kajisi zisobano mbuli ezyo. I dyabulosi wakabikka comwe aali ndinywe, kabikka televizhioni mu ng'anda yako.

<sup>325</sup> Inzila ya musinsimi wakasimpe ni njumu loko, pele atu kkale a Bwini. Iiyi, munene.

<sup>326</sup> Amulange mabboodi esu kuzibya twaambo. Banakazi kabaimwi kumasena, a misanga yatombwe mu maanza abo, aumwi Jezebele onse muniini mu cisi. Nda kaunka ku . . .

<sup>327</sup> Buzuba bumwi, Nda kabona cintu ceenzu. Kwakali mwanakazi omwe waka boola ku cikolo okuya, kuyo bweza bana, cindi Ne kaunka kuyo babweza, abo bata kasamide zibbudula; alimwi, kula, mbube bwaciindi butontola. Aumwi wabo a musanga wa tombwe. Elyo mbo basikila okuya a kwiima, taba jisi misanga yatombwe, baka iyasya cakufwambaana, alimwi, "Fyuu! Wabona obo Mbweya buzwidilila?" Kajisi janza eelyo kuzwa ku mulyango, mbuli *boobu*, a musanga wa tombwe mu janza lyakwe. Elyo waamba cintucimwi kuli ncico, oh, bala nyema. Masimpe.

<sup>328</sup> Yebo waamba cintucimwi kuli ricky na elvis, na umwi wabo okuya, inga baku dubula. Alimwi mfulumende iyo baiminina, nkaambo bacili bakubusyi buyo. "Oh, eco cili kabotu. Tiiba, tiiba kamvwisya. Balo mbakubusyi. buya Ka ciimpya."

Lino mwabona obo musinsimi wakasimpe ncaamba, nzila yakwe?

<sup>329</sup> Amulange aba basimaloto basofweede mu mambungano, a kabungwe kaboo, inga baku dubula nkoonya kusule. I cintu buyo ciba tantamuna ku cicita, nduse lwa Leza, mane Mulumbe uka sabalanganisigwe. I dyabulosi inga wa kujaya, ikuti na wakonzya kucicita. Yaa. Pele Mulumbe weelede kuunka. "Mebo nde Mwami njo boozezya." Mbo mbubo. "Nda konzya ku mabwe aya ku cibusya." Mbo mbubo. Yaa.

<sup>330</sup> Zipekupeku zyasu, mabboodi esu akuzibya twaaambo, basizibi besu bayandisyua misaaloo kabaliita beni kuti Mbanakristo. Bantu abo baliita lwabo kuti Mbanakristo; basikuyanda misaaloo, basikuyandaula zisusi. Banakazi, basamide cabwaamu; baalumi kaba balanga, kasibasiba kuli mbabo, kabaliita beni kuti Mbanakristo, kwiinka kumasena. Baa, akwalo ba jisi—ba jisi akwalo . . .

<sup>331</sup> Ncintu cipati mu Florida, California, kuti bajisi makkilabbu mapati lino. Boonse baalumi bala boola antoomwe a kuwaala zijuzyo zyabo mukati, elyo banakazi bala njila a kubweza

cimwi ca zijuzyo kuzwa awo. Elyo kufumbwa na nguni, ubweza “mukaintu wakwe” ku muunzi. Bala pona kwa mvwiki, mpawo kujoka, kawaala cijaluzyo, zjaluzyo mukati alimwi. Mwabona? Alo makkilabbu. Bana bamusokwe azintu zyoonse zimbi, ngulube kailya ngulube, mubwa kalya mubwa. Ino ndipenzi nzi? Nku kaambo kakuti bakali siya Ijwi.

<sup>332</sup> Ta bazi kulilemeka kabotu nco caamba. Abusena awa kasamide, dresi liniini lijata maningi lyakaindi, a zintu mbuli ezyo, elyo baalumi kaba basukamina, a kuyeeya kuti bali lemeka kabotu. Yebo inga tokacita cintu cilubide, mucizi, pele andi kwaambile cintu cimwi, uli cibelesyo ca dyabulosi. Elyo ku Mungwala wa Lubeta, MBUBOOBU MBWAAMBA I MWAMI, uyo peda bwiinguzi bwa kucita bumambi, nkabela buntu bwako buya kunyonyooka. Yebo ulizi kabotu. Yebo uli cizyi lino, nekuba. Yaa.

<sup>333</sup> Bubambe bwesu boonse buli nyongene a kubija. Mbantu besu, eco nco bayanda. Mbuli muntu mubotu wa ng’anda, ee, ikuti na muntu wakali muntu mubotu wa ng’anda, kutongookela mfulumende yako... Eco nce cituma balombe besu okuno akuba citya kuba zisanizyo mu nkondo, yaa, nkaambo bubi bwesu. Ikuti na tula tuyanda Mwami a kubelekela Mwami, a ku sala musyobo ululume wa mfulumende a zintuzyonse zimbi, inga bwaba busena bubotu loko. Mbo mbubo. Inga katu tano jisi lumamba. Peepe. Leza ngo mayubilo a nguzu zyesu. Kutuma balombe besu akuba jaya, akuba nyonyoona, azintuzyonse zimbi, nkaambo kakuti micito yesu ini ya kacileta kucitika. Leza wakaamba boobo, mu Bbaibbele, alimwi Ta cinci. Ngu mbobuca buyo. Mbantu banu beni bayanda.

<sup>334</sup> Mbuli muntu mubotu wa ng’anda, ino kuti muntu mubotu? Walo uyanda kucita ciluleme. Walo uyanda kuponena Leza. Elyo ujisì mukwasysi, uyandisyà zyabwaamu. Ino mwaalumi uyo cita nzi, kakuli mukaintu wakwe uyanda kusama zibbudula, a kusama zisani ziboneka kuba zyankwela, a kuzwa akulilemeka mbuli Jezebele, bana bakwe basimbi a boonse bana bakwe, a boonse babo? Ba wisi... mulombe Wakwe muniiini ngwa kakomezya, a kuyanda, a mumyonta, kuumauma a kumyonta, a kubikka mu bulo, a ku mukombela, kwiiimikila, akwaambla, “Mudaala wangu uli sondokede. Konse nkwa yeeya ndi Bbaibbele.” Ino ulya muntu inga wacita nzi a mukwasysi wakwe?

<sup>335</sup> Eco nce cintu nciconya mu mfulumende yesu, kujatikizya bantu bayo okuno. Muta tongookeli mfulumende. Amu tongookele nkamu eyi ya mambungano awide, ku kubikka zintu zili boobo mu tunzenyu twabo, mbuli mbo bajisi. Bala ciyanda. Ako nke kaambo bala civootela, alimwi nke kaambo bali cijisi. Elyo nke kaambo lubeta lwa Leza luli aali mbabo. Elyo bayo tebula eco ncobabyala. Bali mukubyala eno, nkabela baya ku tebula kwaamana. Amulangilile. Oh! Twa kaumwa kasondo. Oh, inzya.

<sup>336</sup> Kusola kuula nzila yesu mu Russia. Kusola kuula nzila yesu a kkomunizimu. Kusola kucita. Baa, mali, tamu konzyi kuula zipego ezi zya Leza. Kwakali mulombwana, Simooni, wakasola kucicita buzuba bumwi, elyo Petro wakati, "Kolobe a mali ako." Tu sobana cibeela ca Simooni musonzi, kusola kuula cipego ca Leza.

<sup>337</sup> Mujoke ku Ijwi. Mujoke kuli Leza. Mujoke kuli Kristo. Mpawo muta pengi kujatikizya kkomunizimu. Tuyo vootela muntu uli kabotu. Tuyo oba a muntu umbi mbuli Abraham Lincoln, George Washington, muntuumwi wakali mwaalumi wini. Muta tongookeli mfulumende kutala okuya. Tuli tongauke tobени. Nce ncico Amosi ncanga waamba. Elyo nce ncico musinsimi wini umwi wa Leza ncanga waamba ikuti na ulilizi Ijwi lya Leza. Ikuti na musinsimi wakasimpe, walo—walo ulilizi Ijwi, nkaambo Li laboola kuli nguwe.

<sup>338</sup> Israyeli, mu bbelekelaamwi a—a sinkondo nyina. Lutaanzi, ba kacita kuzwa ku Ijwi lya Leza, kabatana konzya kupanga bbelekelaamwi a sinkondo nyina.

<sup>339</sup> Elyo katutana kukonzya kusola kupanga bbelekelaamwi a basinkondo ma a zintu, tweelede kuzwa ku Ijwi lya Leza. Uh-huh. Mbubonya lino, kulekela Rome kutola bweendelezi. Baa, tuli mukucicita, ciindi coonse. Waa kabweza mfulumende. Uli mukubweza masena. Waa tola bantu. Lino uli mukubweza mambungano.

<sup>340</sup> Ncinzi neo tucita? Kukkala zii, kuzuminana a mbabo. "Oh, ta cibambi lwandaano naa cili mu nzila *eyi* na nzila *eyo*. Ngu Leza oonse, akwalo." Nu basinsimi, bacete, basampaukide, baitwa obo. Ino ndi penzi nzi kuli ndinywe? Ta bazi Ijwi kujatikizya Leza a zintu ezi. Ta baliiyi Ijwi. Ta ba mvwisyi. Ba lati kkomunizimu iyo endelezya inyika. Peepe, taili njiyo.

<sup>341</sup> Buna Roma buyo tola nyika, alimwi buli mukucicita kunsi lya zina lya Bunakristo. Sa Bbaibbele, Jesu takati, "Kuyo kozyanya loko, mane kuyo cenga mbabonya Basale, ikuti na kulakonzeka"?

<sup>342</sup> Neo tu yandikana sunu... Andi jale, mu kwaamba ceeei. Lino Ndila jala. Neo tu yandikana sunu musinsimi umbi wakasimpe. Ameni. Tu yandikana muntu wa Ijwi lya Leza kuti aboole. Iiyi, mukwesu. Inga wa kakakwa a kwaandwa, a kutandwa, pele inga masimpe wadonkola cipulo. Walo, wa... Inzya, uh-huh. Inga masimpe wa waala Mbuto zili boobo kusikila Basale baka Zi jane. Uh-huh. Mbo mbubo. Tu yandikana musinsimi. Tu yandikana muntu oyo uboolelwa bupanduluzi bwa Ijwi bululeme, cakuti Leza ula kanana kwiinda muli nguwe a kusimpikizya Ijwi, ku Li bamba kuba bwini. Oyo ngo tuyandikana. Elyo, mukwesu, twa kasyomezegwa omwe, kweendelana kuli Malaki 4, "Ku kuboozezya."

Inzi? "I Lusyomo lwa bantu, kujokela ku Bbaibbele." Twa kasyomezegwa omwe. Uyo cicita.

<sup>343</sup> Amosi wakalizi. Iyi, munene. Amosi wakalizi, Israyeli, basikuyanda bubi bakwe bakalino banyonyoona cakufwambaana.

<sup>344</sup> Elyo basikuyanda bubi babo basunu bayo banyonyoona cakufwambaana, ntoonya tuyanza twabuzumini twa tubungwe a zintu nzyoba kalyaanga beni muli nzizyo. Noba Pentekoste, eco nce cintu ciyo munyonyoona, buzumini bwanu bwabukombi a kabungwe. Mula lyaanga nobeni kutala kulaale, kubweza caando ca munyama, nkabela kuta ciziba nokuba, kucikwela nkoonya ku meso anu. Masimpe. Kwalo nkutakata. Ino musola kucita nzi? "Amu zulilwe kuli *eyi*, naope tamu zulilwi." Mwabona? Amulindile buyo, kujana buyo animi, kaindi kambi kaniini. Mpawo, nywebo mwati, "Njo zwa kuli ncico mpawo." Peepe, to kaciti. Uli kale muli ncico. Yebo waka gwalwa kale. Yebo wajatwa a caando aali nduwe.

<sup>345</sup> Takukwe makani, Esau wakalila cabubi, kakuli wakalizi kabotu. Pele wa kalila cabubi, kusola kujana busena bwa kweempwa, nkabela taka bujana. Muyo kkala awo mpawo. Lino nciindi cakucija.

<sup>346</sup> Amosi wakalizi kuti basikuyanda bubi babo bayo munyonyoona cakufwambaana, nkambo balo, mbungano, yakali Mu siide, Leza a Ijwi Lyakwe, nzila ya Buumi. Ba kazwa ku nzila ya Buumi bwa Leza, a kulibambil yabo beni. Oh, Ijwi lyakali cilebyo kuli mbabo.

<sup>347</sup> Alimwi Ncintu nciconya sunu. I Ijwi lya Leza ncilebyo kuli uutegwa Munakristo. Ko mwaambila kujatikizya lubapatizyo lwa maanzi mu Zina lya Jesu Kristo. Ko mwaambila kujatikizya Leza uusalala. Eco ciyo bamba...

Elyo, ee, ba lati, "Ee, tuli jisi Muuya Uusalala."

<sup>348</sup> Mpawo nkaambonzi nco mucili mu masusu aageledwe? Nkaambonzi nco mu batipanya mu zina lya "Taata, Mwana, Muuya Uusalala"? Nkaambonzi nco musyoma mu zintu ezi zimbi nzo musyoma, a kulilemeka nzila njo mucita? Kuunka ku citondezya. Micelo yanu ila citondezya. Jesu wakati, "Kwiinda ku micelo yabo, muyo baziba." Inzya. Mwabona? Eco ciinka buyo kutondezya, mwaambaula makani a cintucimwi nco mutazi. Iyi, munene. Iyi.

<sup>349</sup> Ikuti na Amosi wali waano, na oompolweda ziyanza zyabo. Nywebo mulizi obo na?

<sup>350</sup> Lino Ndila bala kampango komwe kakutanaba kujala, kampango ka 8 ka cipati 3. Elyo atu bale.

*Mulavu wa vuluma, nguni uta yoowi? i Mwami... wa kanana, nguni uta konzyi kusinsima?*

<sup>351</sup> Amuswiilile. Mu kujala lino, Ndi yanda kwaamba ceeei. Nda usa kumujata, kumuka kwindilizya cisela ca oora. Pele, amulange. Ndi yanda kwaamba eci. Ndili muvwimi. Nda vwima. Ndili kkomenye kuti Leza waka ndipa cintucimwi mbuli ceeco.

<sup>352</sup> I buzuba bumwi cindi ntobolo niya kadubuka, Nda kajokela nkoonya kunselelo, kubona ikuti na Nda kali konzya kudubula alimwi. Ta ndiyandi kuti cindi yoosye. Ikuti ni Nda kajisi ntenda, kuya mu mugwagwa, Inga tee ndaleka kweenzya mootokala. Ikuti na Nde enda aa cibuye a kulifumpula kanwe kangu aa kkapeti, a kweenda kwiinda mu mpulungwido, inga Nse leka kweenda. Mwabona? Peepe, peepe. Leza wakandipa ncito isalala. Oyo wakali Saatani. Oyo taakali Leza. Mwabona? Oyo wakali Saatani.

<sup>353</sup> Lino, Ndi lizi kubikkwa kwa kumuuya kuli ncico. Kuli botatwe besu mu kaanda aka ndyoonya lino, abo bazi mbo cibede. Elyo inga canyanyamuna masusu aa mutwe wako, pele Nse kaambila muntu naba omwe. Mwabona? Bantu buyo aba botatwe, ku kusimpikizya. Lino, kuli kabotu konse. Nku konse... Leza wakalizi koonse kujatikizya ncico, a ku cenjezya kumbele nkambo kaco, a zintuzyonse zimbi. Elyo tuli cizi. Bwa kali bulubizi bwangu kumwi, elyo Nda kajisi cintucimwi.

<sup>354</sup> Nda—Nda kasyanikizya muntu ciindi cimwi, kakuli Nse keelede kumu syanikizya. Ne kakonzya buyo kuzungaanya muni kuzwa kuli nguwe. Mwabona? Mibusena bwa kucicita, Nda ka cibbadelela. Aboobo, mpawo, aboobo tu...Oko kuli kabotu. Kwalo ndime, alimwi kwa jatilwa lino. Elyo tuyu zumanana. Mwabona? Iyi.

Amosi, aka kampango ka 8, “Ikuti na mulavu wavulumma nguni uta yoowi?”

<sup>355</sup> Nda kavwima mu masaka amu Africa. Nda kali munsi oko balavu nko bakabede. Walo mwaami wa banyama. Nda koona mu masaka ciindi camasiku akumvwa kucwema a basuntwe, kuseka a koongolola, a—a i—a banyama bandeene. Elyo mpawo bamwi basuntwe bakali kucitya, kwaanga bulowa bwako cindi niba kwiila. Elyo okuya a bamwaaba, a kucwema, a zintuzyonse zimbi, a kuba zyuuka, a basokwe, a bapombo, a zyuulu taimuzu zyuulu, “kukwemba, kucwema.” Kweenda konse, inga waimvwa misyobo yonse ya zintu kazicitika., Pele lekela mulavu avulume, zyuuka zipati ziyo umuna azyalo. Nku umuna kwa lufu. Zila umuna zii. Inzi? Mwaami wazyo wa kanana. Ameni.

<sup>356</sup> “Ikuti na mulavu avuluma, nguni uta yoowi? Cindi Leza akanana, nguni unga wa kasya kusinsima?” Cindi Leza akanana, musinsimi uloompolola. Mwaziba eco Nce pandulula na? I musinsimi wakasimpe uloompolola. Beenzuma, Wa amba. Mpawo, akube kuti zilenge zyoonse zya Bwami Bwakwe zipakamane kuli ceeco Nca kaamba.

<sup>357</sup> Ikuti na mulavu wakonzya kuziba kuti kuli cintucimwi cilubide, cindi a vulumu, zintuzyonse zya bwami bwakwe zilaumuzya. Zila swiilila. Neziba zyuuka ziniini, nekubaboobo, uli mu bwami bwa mulavu oyo. Oko kukwiila kusukamina bulowa ikwa suntwe, ula umuna. Oyo muzovu alya, ukonzya kunyamuna mulavu, aku muzungulusya aali kwakwe kwa “Kweeeel! Kweeeel!” Elyo lekela mulavu avulume, uyo umuna a kwiima nji. Lekela munyati wacaanza cameja aongomene, ukonzya kuvuluma, libonya mbuli kufulida mulilo kuzwa ku mpemo yakwe. Cindi mulavu aa musotokela atala, inga ta konzya nokuba kumucisa. Lekela cipembele, a cikwabilizyo cakwe ca mataani ali ciloba, ku muyasa, a kuvuluma kwakwe kupati. Lekela mulavu avulume, ula imikila mu tukondo twakwe. Ino ndipenzi nzi? Mwaami wakwe wa kanana. Mwabona? Walo uyanda kumvwa eco ciyo ambwa.

<sup>358</sup> Elyo cindi Leza akanana, musinsimi uloompolola. Elyo mpawo kulekelwe Bwami Bwakwe kupakamana kuli ceeco Ncali mu kwaamba. Leza wa kanana. Akube kuti zilenge zyoonse zya Bwami Bwakwe ziswiilile ncali Mu kwaamba.

#### Atu kombe.

<sup>359</sup> O Mulavu wa mukowa wa Juda, buka uvulume! Yebo uli mukuvuluma mu buzuba obuno bwa mamanino. Meso ako asuumana. Uli mu kulanga ansi. Uli mukubona cibi ca cisi eci citegwa Bunakristo a nyika. Uli mukubona cibi ca cisi eci, cindi caulwa a Bulowa buyandisi. Ula bona nzila tubungwe mbo twiindilila atala lya Ijwi Lyako. Amubone obo basinsimi babeji mbo bali mukweena. Bwini bwa Leza bali mukubukaka.

<sup>360</sup> Ko vulumu, O Mulavu wa Juda! Ko lekela basinsimi Bako koompolola. “Cindi Leza akanana, nguni unga wa tantamuka ku kusinsima?” Ndi Ijwi lya Leza kalizwa mu Bbaibbele, ka litanta kwiinda mu musinsimi. Mbobuti mbwa konzya kuumuna? Ikuti na kacita, inga na kazapaula mu tubeela. O Leza, lekela musinsimi Wako avulume, Mwami. Ko vulumu Mulumbe Wako, Leza, a kulekela zilenge zyoonse zya Bwami Bwako zipakamane.

<sup>361</sup> Akube kuti baime. Akube kuti banakazi baime a kulilingula beni. Akube kuti baalumi baime a kulilingula beni. Akube kuti mukambausi aumwi uuswiilila ku teepu eyi, koima a kulilingula mwini, nkambo Mulavu wa mukowa wa Juda wavuluma. Elyo Ijwi lyabwini liboola ku basinsimi, kukanana, koompolola, “Amweempwe a kunyona ciindi kacitana mana.”

<sup>362</sup> Leza, Nda tuula Mulumbe, ku teepuaku baswiilizi aba balibonya, kuli Nduwe cifumo cino, ku kusyoma kuti Uyo Li tondezya. Elyo kwiita bana boonse balombe a basimbi iba Leza, bali kunsi...abo bakasola kumvwa teepu eyi, na kunsi lya kumvwika kwa jwi, bayo jokela ku kweempwa ciindi nocitana mana.

<sup>363</sup> Elyo Nda syoma, Mwami, ikuti na inga Wa tuma Amosi awa, inga woompolweda cintu nciconya. Nkambo ta kakonzya kulila . . . Pele ikuti na musinsimi wa Mwami, ngu sikutuma wa Ijwi. Wa katuma ku Ijwi, a Ijwi, alimwi walo ndi Ijwi. Lino, Mwami, aci citwe, mu Zina lya Jesu Kristo. Ameni.



*INZILA YA MUSINSIMI WAKASIMPE WA LEZA* TNG62-0513M  
(The Way Of A True Prophet Of God)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Kaandakanini 13, 1962, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)